

Jondi Jesu'walaŋ mede hebinij yobihikuk Yodakale Mede

Kayonbop hekidi Jesu Kilisto adi Wapumhik undun nadisukilitigin kan widihi tubukadaka tagin nai unanin pepa i youkin. Pepa yendi kayonbop nadisukilitihik tubukilitiune malabumuŋ wapuhidi mu yehitubugweheyedok yeninilitiguk.

Pepa yendok ginen nemek kougon mintawaak wendok yoyout mede fee hakiin. Nai unanin kayonbop hatigin adi yoyout mede u kedem binek nadidakalegin, inon kayonbop mu tinja kaulehi hatigin heki adi tuwot mu nadidakalegin. Yoyout mede wendinin mebi adi indin. Jesu Kilisto adi Wapum, doktinja Bepandi adi kohon folon memik hogohogok yapmeune yehiyalimonogofowaak. En Sadan maan undugon yalitifowaak. Jesu Kilistodi kwanainin tubudapmawaak, kan nai unanin metam nediyen fafane tinja yali nadisukilitihik mu gweheyewaak, adi yadi tuwahik yembaak. Bepandi nemenemek hogohogok kobuli tubumintadapmawaak, nai unanin metam u Bepan gut malabumuŋnit mokit hatineen.

Mede Yodakale

¹ Jesu Kilisto'walaŋ mede hebinij yobihikuk won adi nai muninin hinek nemek mintadok yonit u tipilapilaye-meniye yenindakale titindok Bepandi Jesu nimbihikuk. Kan adibo

aŋelonj ninkulune tipilapilaye-menj Jon nin-didime tuguk.

² Kaŋ nubo Bepaŋ'walaŋ mede eŋ Jesu Kilisto'walaŋ yodakale mede kanadi tugutdi nadikwambundaŋ yobihila youkut.

³ Kaŋ kigili mede i kunayembaak nebe, be mede youkudip tinj u nadiŋa nadidahiŋa takalineeŋ adi Bepaŋdi kahaŋ tiyembune kulemaŋgoŋ hati-neeŋ. Biyagoŋ kuyoŋ, nai agaŋ muniŋgoŋ hinek tilak.

Yokahaŋ dut Youtumba Mede

⁴ Nu Jondi Esiya kwetneŋ Jesu'walaŋ Kayoŋbop 7 hatiŋ hiditok pepa i youhamulat. Hatigukdi hatilak tiŋa kotigoŋ baak, adi'walaaniŋ eŋ munabuli 7 mapme pop namanda foloŋ hatiŋ adi'walaaniŋ,

⁵ eŋ Jesu Kilisto'walaaniŋ siloŋ tobogoŋ eŋ kulemadi hidut youdihinit hatuwaak. Biyagoŋ hinek, adigoŋ Bepaŋ'walaŋ mede hogohogok yobune kwambundadapmalak. Tiŋa adigoŋ kumuŋ gineniŋ tububihila kaikaŋ pilakuk. Tiŋa undugoŋ mapme kwetkwet hatiŋ'walaŋ Wapumhik eŋ Loloŋnit hatilak. Adi welesiloŋ tinimiŋa naŋgatŋiŋdi kadakanŋ gineniŋ nihik-agiyali

⁶ Bepaŋ'walaŋ Hatihati Unŋoniŋ diniŋ Kayoŋbop nihitubu-mintaŋ, Beu Bepaŋ diniŋ Siloŋ Hemiŋ diniŋ kwanai-me hatidok niniŋguk. Biyagoŋ kuyoŋ, adi'walaŋ wougigit hautanit eŋ saŋiniŋ wapum hatakdi haliwoŋ halaak fafaŋeniŋ. U biyagoŋ.

⁷ Abe nadiin! Adi mulukwan gineŋ baak kan meeniŋ hogohogok dauhikdi kaneen. Eŋ bohomdi yout tigiŋ hekidi maan kaneen. Meeniŋ bop hogohogok kwetkwet hatiin adi aditok tiŋa kobulabulaye tineen. Mede yoŋ adi biyagoŋ hinek.

⁸ “Nu nagoŋ timen hatigutdi mindan hatibaat.” Wapum Bepan, Saŋiniŋ Molomdi unduŋ yolak, adi hatigukdi hatilak. Biyagoŋ hinek, adi yadi nemenemek tububihila tubumintagukdi kaugoŋ kotigoŋ baak.

Jon adi dawi tombune Bepan'walaŋ kudi hebiniŋ kaguk

⁹ Nu nohik Jon. Indi Bepan'walaŋ hati-hati ungoŋiŋ kahileen nongoŋ hatiyam, tiŋa Jesu'walaŋ kayoŋbop doktiŋa mik-kwadi gineŋ folofigita wanaŋ nadiŋila gicine tiŋa hatiyam. Ingoŋ oŋ, nu Bepan'walaŋ mede, eŋ Jesu wou yohautagut doktiŋa kwet kambangit Patmos uŋoŋ napmeune itougut.*

¹⁰ Ala Wapum'walaŋ nainiŋ (Sonda) niŋ foloŋ Ungoŋiŋ Munabulidi saŋiniŋnit hinek fotokinambune ila nadiwene sigine foloŋ hinek aiŋgoŋ mede wapum bai gigilit nabugoŋ mintaune

¹¹ mede indiŋ nadigut, “Nemek yabulaŋ u pepa gineŋ youla Kayoŋbop 7 yendok boiyembune uneeŋ. Efeso eŋ Simena eŋ Pegamam eŋ Tayataila eŋ Sadis eŋ Filadelfiya eŋ Leodisiya.”

Jondi Jesu'walaŋ folonamandap kaguk

* **1:9:** Jondi mede yobihit i youkuk adi Patmos agaŋ bikabuŋa kwet wapumneŋ hatiŋa youkuk.

12 Kaŋ nu me mede naniŋguk adi kawit yoŋa fambekenegut. Fambekeneeŋ kamaŋ boidok kwehik 7, goldi tigiŋ, yabugut.

13 Eŋ kamaŋ boidok kwehik lekiŋgoŋ foloŋ niŋ yalune kagut adi Me Kobumuŋ nabugoŋ. Dahidahiŋiŋ kweheyeniŋ dahiune fooŋ kayoŋ kufuladapmaŋ tuguk. Eŋ siyo foloŋ kiyegelep goldi tigiŋ youkiliguk.

14 Mebi eŋ mebi hapmuŋ adi fafau niyaniyaŋ. Eŋ dawiyat adi kudupmebem nabugoŋ.

15 Kayoŋyat adi ain kudup gineŋ dafafaŋeŋ diweŋ nabugoŋ. Eŋ mede yoyoŋiŋ adi ime ham gineŋ bemkula imeham tolak nabugoŋ.

16 Kohoŋ didimeniŋdi hinantilamek 7 boi yakuk, eŋ maŋiŋ ginaneŋ miknoŋ mikit hinek niŋ maŋiŋ fukufukuŋ imikimikiyenitdi fonduhuŋa yakuk. Eŋ namanda adi mele fafaŋeniŋ diwelak unduŋ nabugoŋ hautaguk.

Kumuŋa kaikagukdi Jon niwihiguk

17 Nu folonamandaŋniŋ undiniŋ kaŋ heben foloŋ maan kumuŋ ti hakiŋ nabugoŋ dahakut. Dahatuwene kohoŋ didimeniŋdi foloone foloŋ kameŋ indiŋ naniŋguk. “Du munta mu tibeŋ. Timen hatigutdi mindaŋ hatibaat

18 tiŋa hatihati molom, na iŋakoŋ. Indiŋ nadiweŋ. Nu kumuŋa kaikagutdi kaipmuŋ hatiluwaat. Niŋ i nadi. Kumuŋ eŋ ham diniŋ talik tehep’walaŋ yeme youdilitom u nu kamehatilat.

19 Ale du nemek mintaguk kaŋaŋ, be indidegoŋ mintalak, be mindaŋ mintawaak u wanaŋ youdapmaweŋ.

20 Tiŋa kohone didimeniŋnenkade hinantilamek 7 eŋ kamaŋ boidok kwehik 7 goldi tutumbanjit wanaŋ yabuŋaŋ wondiniŋ mebi ganimbe nadiweŋ. Hinantilamek 7 uyadi Kayoŋbop 7 adi'walaŋ aŋelo, eŋ kamaŋ boidok kwehik 7 uyadi Kayoŋbop 7.”

2

Efeso Kayoŋbop mede kameyemguk

¹ Me wendi koti tomboyoula Jon indinŋ ninguk. “Efesohi Kayoŋbop'walaŋ aŋelohikdok mede indinŋ youleŋ. Hinantilamek 7 kohonŋ didimeniŋdi moŋgola kamaŋ boidok kwehik 7 goldi tinjit lekiŋgoŋhik gineŋ uŋambuŋat tilakdi hiditok indinŋ yolak.

² Nu titiŋhikdok, be kwanaihikdok, be fafaŋehik diniŋ mebi a nadilat. Hidi yadi me kadakahi yabukabeleŋ biyabu mu tiinŋ. Unduŋ doktiŋa me nolidi inde aposel yoŋa yalaŋ yobune yalaŋ medehik diniŋ mebi tubudakaleŋiŋ.

³ Tiŋa fafaŋe tiŋa hatiŋila nutok tiŋa mik-kwadi gineŋ folofigita nadiŋila nadigweheyenit mokit hatiŋiŋ.

⁴ Ingoŋ oŋ, nu yadi nemek indinŋ doktiŋa hiditok nadiwene yomnit tilak. Hidi timenŋ nutok mohinek nadinamŋiŋ ingoŋ kobuk indinde wondok tuwolit mu nadinamiinŋ.

⁵ Koom fafaŋe tiŋa hatiŋiŋ ingoŋ nai indide adi gweheyeŋ fofonŋ tiinŋ. Ale hidi wendok nadisuŋa welehik tubutakaleŋ titiŋhik koom tigiŋ u kotigoŋ tineŋ. Unduŋ mu tineŋ adi nu busuwaŋ kamaŋhik holomtibaat. Biyagoŋ

kuyon, welehek mu tubutakaleneŋ adi unduku tibaat on.

⁶ “Ingon titinhik niŋ tubune utumba tilak uye indin. Nikolas menimeniyedi nemek tubune yabuŋa nadikadakain wondok adi nu maan undugon tilat.

⁷ Munabulidi Kayonbop mede yenilak uyadi nebek niŋdi nadidakalewe kaŋ magi baigon kametnadiŋa nadiwaak. Unduŋ doktiŋa meeniŋ niŋ adi kwanai fafaŋe tiŋa titawoon tubudapmaune Bepaŋ’walaŋ fiye momoon* gineŋ hati-hati bem dinin foloon mintalak u nanaŋdok kedem nindapmawaat.”

Simena Kayonbop mede kameyemguk

⁸ Me wendi koti tomboyoula Jon indin niŋguk. “Simenahi Kayonbop’walaŋ aŋelohikdok mede indin youlen. Timen hatiguk eŋ mindan hatibaak tiŋa kumuŋa kaikagukdi hiditok indin yolak.

⁹ Hidi mik-kwadi tihambune ikulema mu tiŋa fiyewakahi hatiŋ u a nadilat ingon on, kunum gineŋ hidi’walaŋ bombon fee ihamiin. Tiŋa undugon Judame nolidi mede kadakanin haniŋa hanintifoin u maan a nadilat. Ala adi yadi Judame hinek mon, adi yadi Sadaŋ’walaŋ metamjiye.

¹⁰ Hidi yadi nemek maŋin mikit kotigon mintahambaak wondok munta mu tiyaneŋ. I nadineŋ, Sadaŋ adi tikamanda tihamdok hidi’walaŋ me noli yot fafaŋeniŋ gineŋ yapmewaak. Kaŋ hidi’walaŋkade mik-kwadi

* **2:7:** Bepaŋ’walaŋ fiye momoon wou Gilik mede gineŋ adi “Paladais” yoin.

melenai 10 mintawaak. Ingon on, hidi yadi Bepan'walaṅ mede didimeningon kamehatigene kumumbune hatihati fafaṅeniṅ diniṅ kulun tehindilendileṅnitdi mokohambaat.

¹¹ Munabulidi Kayonṅbop mede yenilak uyadi nebek niṅdi nadidakalewe kaṅ magi baigon kametnadiṅa nadiwaak. Unduṅ doktiṅa meeniṅ nediyeṅ kwanai fafaṅe tiṅa titawoon tubudapmawaak adi yadi kumuṅ fafaṅeniṅdi mu tubukadakawaak.”

Pegamam Kayonṅbop mede kameyemguk

¹² Me wendi koti tomboyoula Jon indin niṅguk. “Pegamamhi Kayonṅbop'walaṅ aṅelohikdok mede indin youleṅ. Miknon maṅin fukufukuṅ mikit kamehatilakdi hiditok indin yolak.

¹³ Hidi yokwet hatiṅ, wendiniṅ mebi a nadilat. Unṅ adi Sadaṅdi yolikweli tuguk. Kaṅ hidi adigili nutok tiṅa medene didimeningon kame hatiṅ. Nu'walaṅ mede tilolon mohinek tuluguk, notne momoon Antipas, adi yohikwehik Sadaṅdi itoulakneṅ unṅon hinek-ku ukiṅ, kaṅ hidi nai unṅaningon nu nadisukilitinamuṅa gweheye mu tigiṅ.

¹⁴ Ingon on, nu hiditok nadiwene kabe-tuwot mu tilak. Hidi'walaṅ yohikwehineṅ meeniṅ noli hatiṅ, adi Balamdi tuguk unduṅ tiṅ. Balam adi indin tuguk. Balakdi Isilae metam yehitubukadakadok nadiṅa Balam nimbune Isilae metam yenihohokeneune nemek welewele boiṅa Bepan yoṅa bepan yalayaṅ muni heyemagiṅ. Unduṅ tiṅa siloda eṅ keffile kwanai tiṅa kadakagiṅ.

15 Ala hidi'walaŋ yohikwehinenŋ meeniŋ noli adi Nikolas meŋimeniye'walaŋ titiŋ u keleenŋ tiinŋ.

16 Unduŋ doktiŋa hidi welehiŋ tubutakaleneŋ. Biyagoŋ hinek kuyoŋ, hidi unduŋ mu tinenŋ adi nu pilap hinek buŋa meeniŋ undihi mane diniŋ miknoŋ mikitdi widihiwaat.

17 Munabulidi Kayoŋbop mede yenilak uyadi nebek niŋdi nadidakalewe kaŋ magi baigoŋ kametnadiŋa nadiwaak. Meeniŋ niŋ titiŋ fofoŋ gigne tiŋa titawooŋ tubudapmawaak adi yadi mana† hebiniŋ mintoiwaat. Tiŋa niŋ indinŋ, kawade fafau mimbaat. Tiŋa wou kobuli uŋgoŋ youle halune molom ne kubugoŋdi kaŋ nadiwaak.”

Tayataila Kayoŋbop mede kameyemguk

18 Me wendi koti tomboyoula Jon indinŋ niŋguk. “Tayataila Kayoŋbop'walaŋ anelohikdok mede indinŋ youlenŋ. Bepaŋ'walaŋ mihi, dawu kudupmebem nabugoŋ, eŋ kayoŋ ain kudup dafafaŋeŋ giminiŋ diweinŋ nabugoŋ, adi hiditok indinŋ yolak.

19 Nu titiŋhiŋ diniŋ, be welesiloŋhiŋ, be nadisukilitihik, be kwanaihik diniŋ mebi agaŋ nadilat. Tiŋa folofigita mintahambune gigne tiŋa fafaŋe tiinŋ diniŋ mebihik maanŋ a nadilat. Tiŋa koom gigne tigiŋ inŋoŋ kobuk adi gigne hinek tiinŋ, u agaŋ nadilat.

20 Inŋoŋ oŋ, indinŋ doktiŋa nu hiditok nadiwene kadakalak. Hidi tam Jesebel kakabeleenŋ bikabune adi “na polofet tam” yoŋa nu'walaŋ metamneye yenihohokeneenŋ mede

† **2:17:** Mana adi nanaŋe Bepaŋdi Isilaehi kwet fileŋ yemtoiguk. Kahat u Kisim Bek 16 ginenŋ kunali kakaŋdok.

yenyehitubu-didimeune bepan yalayaan'walañ hinamuni tiñila siloda kadakanin tiña kefile kwanai tiin.

²¹ Adi yadi welen tubutakaledok nai timingut, ingon on, adi welen tubutakaleen siloda tiña kefile kwanainin bibindok mu yolak.

²² Nadiinbe? Nu wendegon tiña yobene yagit fafañenin mintamimbune halaak, en adut kefile tiin adi yadi yagit folofigita kisañ mintayembaak. Tam wendi'walañ titin hogoli mu wabineen adi unduku tiyembaat on.

²³ Tiña wapmihinyedok yobene yagit fafañenin tiña kumuneen. Undun tibene yokwetkwet kayonbop adi nu adi'walañ welehek dinin mebi nadidapmalat u nadidakaleneen. Nu meenin wanakan titinhikdok kibikon tubu-udanehambaat.

²⁴ “Tayatailahi meenin noli hidi yalañ mede u sigilulum timiin, tiña meenin nolidi Sadañ'walañ mede nadihinakayam yoin, adi mu yehitomboy-oukin, hiditok indin yobe nadinen. Nu hidi nemek malabumun noli nemu hamulat.

²⁵ Undun doktiña nemek u be u hahamulak u gitagon boihatilune busuwawaat.

²⁶ Meenin nin adi fafañen nu nadilat u titawoon tubudapmawaak, adi yadi nu sañinin mimbene

²⁷ tot fafañen maliña meenin Judahi'walañ feknit mokit kwetkwet hatitawiin hati yehitubu-didimeñ yabudokowaak. Tiña nemek kwet kabot nabugon upupuheneyam undun tiyembaak. Nu batnedi sañinin namunguk unduku aditokbo mimbaat.

²⁸ Tiņa bamholiņa wapum maan̄ tomboyoula mimbaat.

²⁹ Munabulidi Kayon̄bop mede yenilak uyadi nebek niņdi nadidakalewe kaņ magi baigon̄ kametnadiņa nadiwaak.”

3

Sadis Kayon̄bop mede kameyemguk

¹ Me wendi koti tomboyoula Jon indin̄ niņguk. “Sadishi Kayon̄bop’walaņ aņelohikdok mede indin̄ youleņ. Bepaņ’walaņ Munabuli 7 eņ hinan̄tilamek 7 yabudokolakdi hiditok indin̄ yolak. Nu titiņhik dinin̄ mebi a nadilat, meeniņdi habune kaipmuņ hatiņ nabugon̄ tilak, iņgon̄ welehiķ adi kumiņ.

² Unduņ doktiņa hidi kaikaan̄ pilali titiņhik hahamulak u tubufafaņeune undugon̄ hatuwaak. Nadiņbe? Nu Bepaņ’walaņ namanda folon̄ titiņhik kawene tuwot mu tilak.

³ Hidi yadi nemek hamuņit be hanihehitubudidime tiņit, u tubukaikaan̄ gitagon̄ moņgo hatiņa welehiķ tubutakaleneņ. Mu pilali hatiņeeņ adi kubomedi busuwaiņ nabugon̄ busuwahambaat. Biyagon̄ hinek kuyon̄, hidi yadi naine kabe-nemu nadilune busuwahambaat.

⁴ Sadis yopmaņ uņon̄ mehimehiye noli hatiņ, adi yadi dahidahihik dagik mu tigiņ. Ala undihi adi kaugon̄ hatigene dahidahi fafau dahiņa nukut hatineņ. Adi yadi unduņ tiņ doktiņa nadiyembene utumbalak.

⁵ Meeniņ niņ adi fafaņe kwanai titawoon̄ tubudapmaune dahidahi fafau mimbene dahiwaak, eņ wou hatihati fafaņeniņ dinin̄ pepa gineņ

hatak u mu tumolokulaat. Moŋ. Nu yadi wou Batne'walaŋ namanda foloŋ eŋ aŋelonjiye naman-dahik foloŋ yohautawaat.

⁶ Munabulidi Kayoŋbop mede yenilak uyadi nebek niŋdi nadidakalewe kaŋ magi baigoŋ kametnadiŋa nadiwaak.”

Filadelfiya Kayoŋbop mede kameyemguk

⁷ Me wendi koti tomboyoula Jon indiŋ niŋguk. “Filadelfiya Kayoŋbop'walaŋ aŋelohikdok mede indiŋ youleŋ. Biyagoŋ hinek kuyoŋ, hatihati uŋgoniŋ molom eŋ mede biyagoŋ molom, Dewit'walaŋ yeme youdilitom kamehatiŋa talik yeme dilitombune nebek niŋdi tuwot mu tehewek, be youkilitiune nebek niŋdi tuwot mu dilitombek, adi hiditok indiŋ yolak.

⁸ Nu titiŋhik diniŋ mebi a nadilat. I nadineŋ! Nu namandahik foloŋ talik tehep niŋ dilitom hamuŋgut u nebek niŋdi tuwot mu tehekilitiham-baak. Hidi'walaŋ saŋiniŋ kuyaniŋ-kabe hatak u agaŋ nadilat, iŋgoŋ oŋ, hidi fiit wotnenegigit gigine tiŋa didimeneŋgoŋ kamehatigiŋ.

⁹ I nadineŋ, Sadaŋ'walaŋ mebop niŋ adi yadi Judame folooŋ hinek moŋ, folooŋnit mokit hatiŋjila yalaŋ yo hatiŋ, ale nu yeniŋkule hidi'walaŋkade wooŋ mulelem tihamuŋa, nu menot tihamgut wendiniŋ mebi nadineeŋ.

¹⁰ Eŋ hide yadi nutok gweheye mu tiŋa fafaŋe tiŋa woomnamdok haniŋgut, u didimeneŋgoŋ kamehatigiŋ doktiŋa nubo tikamanda nai wapum foloŋ hehitubu-lodawaat. Tikamanda uyadi kwetkwet meeniŋ hatitawiiŋ wanaŋ mintayem-baak.

11 Nu adi pilap baat, doktiņa hidi nemek monĝo hatiņ u fafaņeniņĝ boikilitiņa hatilune nebek niņdi kulunĝhik tehindilendileņnit u mu holomtibaak.

12 Meeniņ niņ adi fafaņe kwanai titawoon tubudapmawaak adi yadi Bepaņ ne'walaņ Siloņyot diniņ taka kobumun kambiyale fafaņeniņ yalaak. Tiņa adi foloņ Bepaņne'walaņ wou youlaat, eņ Bepaņne'walaņ yolikweli wou u maan adi foloņ youlaat. Uyadi Jelusalem yokwet kobuli kuyon, kunumneniņ Bepaņne'walaaniņ fowaak. Tiņa nu na'walaņ wotnene kobuli maan adi foloņ youlaat.

13 Munabulidi Kayoņbop mede yenilak uyadi nebek niņdi nadidakalewe kaņ magi baigoņ kametnadiņa nadiwaak.”

Leodisiya Kayoņbop mede kameyemĝuk

14 Me wendi koti tomboyoula Jon indin niņĝuk. “Leodisiya Kayoņbop'walaņ aņelohikdok mede indin youleņ. Mede biyagoņ molom, eņ yohauta foloņ, eņ yofafaņe tilak adi yadi Bepaņ'walaaniņ nemenemek mintaguk wondiniņ mebi ki hatilakdi dutok indin yolak.

15 Nu titiņhik diniņ mebi a nadilat. Hidi gweheyenĝ mu hatiņ, tiņa unduĝoņ fafaņeniņĝ mu hatiņ u nadilat. Gweheyenĝ be fafaņeniņĝ hatibe nadiņa unduņ hatinen oņ!

16 Gweheyen eņ fafaņeniņ lekiņĝoņhik foloņ gwehe-gweheyenĝ hatiņ doktiņa mane ĝineniņ hehimadikulene foneeņ.

17 Hidi hidetok indin yoin, “Indi duhuduhu fee itnimiin, indi nemek lufomĝoņ mu tiyoukumun.

Unduŋ doktiŋa nemek nemu lohineem.” Hidi mebihik tuwot mu nadiiŋ, tiŋa ganiŋginek, fiye-wak, hambeep, dauhipmik, eŋ hambiyek hatiŋ, u mu nadidakaleiŋ.

¹⁸ Ale hanimbe nadineŋ! Nu’walaŋ gol, kudup gineŋ daaŋ walanda hinek tuguk u tuwaan bombonit tineŋ, eŋ dahidahi fafau tuwaan dahiune foŋ mekahik kufulahebaak, tiŋa dauhik diniŋ haguwo tuwaan dauhik youtela diwehautaneŋ.

¹⁹ Nu me yabukahile tilat adi yenindidime eŋ udihiŋa yehitubu-didime tilat. Unduŋ doktiŋa hidi yadi gigne tiŋa welehik tubutakaleneŋ.

²⁰ I nadineŋ! nu welehik diniŋ yeme sigineŋ yali youtnadilat. Ala nebek niŋ adi medene nadiŋa yeme dilitomnambune adi’walaŋ welen maaneŋ foŋ adut ipilat tiŋa nanaŋe nademeet.

²¹ Nebek niŋ adi fafaŋe kwanai titawoon tubudapmaune nubo nihamanewe mapme pop foloŋ ila metam yabu-ulidoko kwanai nonŋoŋ tide-meet. Na maan undugoŋ fafaŋe kwanai titawoon tubudapmawene Batnedi ne’walaŋ mapme pop gineŋ iitdok naninehimaneguk.

²² Munabulidi kayoŋbop mede yenilak uyadi nebek niŋdi nadidakalewe kaŋ magi baigoŋ kametnadiŋa nadiwaak.”

4

Jondi Bepaŋ’walaŋ kweli kaguk eŋ tonadifo kap nadiguk

¹ Nu nemek u kanadi tubudapmaan daune diween kunum gineŋ talik yeme niŋ hamap

yalu kagut. Tiña mede koom bai gigilit nabugon nadigut wondigon kotigon mintaan indin naninguk. “Du inon labune kougon hatigene nemek mintawaak u ganindakalewene kawen.”

² Undun yobune unaningon Ungonin Munabulidi saniniñnit hinek fotokinambune kunum ginen mapme pop nin ikuk, wendok ginen Me nin ilu kagut.

³ Tiña mapme pop ginen ikuk adi’walañ folonamandap adi hayaña nabugon ala giminda walawalañ hinek. En pop bokinen adi kwembeke kudidi kelemadiguk, folonamandapñin kaikailen en walañ hinek.

⁴ En mapme pop wapum kelemadiña mapme pop kuyahi 24-yen ilaugin, kan wendok ginen talitimen 24-yen ilaugin. Adi yadi dahidahi fafau hogohogok dahin ikin, en kulunhik tehindilendilenit goldi tutumbagin u mebihik folon udiyen ikin.

⁵ Kan pop wapum ginenin maninguhut* en filimpit tiña munkulap gibitan toguk! En pop tehindilendilenit heben folon kudupmebem 7 yadagin. Uyadi Bepan’walañ Munabuli 7-di danegin.

⁶ Tiña undugon pop tehindilendilenit namanda folon imengwan galasdi tinjit nabugon walañ hinek nin hakuk.

Kan pop tehindilendilenit heben folon nemek hatihatihinit 4-yen ikelemadigin, adi yadi hebeninerkade be sigihinerkade dauhik hogohogok ikelemadigin.

* **4:5:** Bepan’walañ mede saniniñnit wondinin mebi yobihitak.

⁷ Niņ adi laion nabuğun, eņ niņ adi makau maaniņ nabuğun, eņ niņ adi namanda meeniņ nabuğun, eņ niņ adi bagi suwaye wole tilak undiniņ.

⁸ Nemek hatihatihinit 4 adi hogohogok adi papalihik 6 hogohogok, tiņa unduğun papalihik wahinķade be hapmenenķade dauhik hadapmaguk. Kaņ helebufa tuwot, indin kutigin,

“Wapum Bepaņ Saņiniņ molom adi yadi unģoniņ, unģoniņ, unģoniņ hinek, hatigukdi hatilak eņ kotigoņ baak.”

⁹ Biyagoņ kuyoņ, nemek hatihatihinit 4 adi Hatihati Fafaņeniņ Molom, pop tehindilendilenit gineņ itak adi niutumba eņ tonadifo timiin.

¹⁰ Adi unduņ tulune talitimen 24 adi yehitomboyoula Hatihati Fafaņeniņ Molom pop tehindilendilenit gineņ itak adi walaņ heben foloņ duwokeneeņ nintiņalooņ popniņ mebiyen kulunķik tehindilendilenit udila boiņa indin yoiņ,

¹¹ “Wapumnik Bepaņ, tinahukut kinonom, eņ whoho wapum eņ saņiniņ uyadi da kahileune tuwot hinek tilak. Biyagoņ hinek, dagoņ nemenemek tubuminta-dapmaguņ eņ du walaņ mede doktiņa nemenemek mintadapmaguk hatak.”

5

Pepa bilibetnit niņ nipmekdi galikilitinit

¹ Kaņ mapme pop gineņ ikuk adi kohon gineņ pepa bilibetnit niņ kame ilune kagut. Pepa won

adi siginenkade be hebenneḡkade wanaḡ kudinit hakuk, tiḡa nipmek 7-di galikilitiḡit.

² Kaḡ aḡelo saḡiniḡnit kagut, adi mede indiḡ ku-tifiyeen yohautaguk. “Meeniḡ nebek didimeniḡ hinekdi nipmek kibidakula taḡakiyeune tuwot tibek.”

³ Unduḡ yobune kunum foloḡ be kwetfoloḡ be kwet falipmeḡ nebek niḡdi pepa nipmekḡiḡ kibidakula kakaḡdok be yokunatdok mu lodaguk.

⁴ Tiḡa nebek niḡdi fifigoḡ nemu hatiḡa pepa u taḡakiyeen yokunakuk doktiḡa bulaniḡoḡ nadiḡa kisaḡ kokut.

⁵ Unduḡ tibene talitimeḡ heki adi’walaaniḡ niḡdi indiḡ naniḡguk. “Biyagoḡ hinek, makat mu koleḡ, biḡa i nadiweḡ. Juda’walaḡ yalakiḡiye’walaaniḡ laion niḡ mintaguk. Mapme Dewit’walaḡ yalakiḡiḡ niḡdi me mikḡiye yehiyalitifoḡ fafaḡeguk doktiḡa adi pepa nipmek 7-di galikilitiḡiḡ u kibidakula taḡakiyedok tuwolit tilak.”

Jondi Domba Mihiniḡ kaguk

⁶ Kaḡ nu daune diweḡ mapme pop eḡ nemek hatihatihinit 4 adi’walaḡ lekiḡoḡḡhik gineḡ eḡ talitimeḡ hekidi yakelemadi tigiḡneḡ unḡoḡ Domba Mihiniḡ niḡ uut tiḡit nabugoḡ yalu kagut. Keleu 7, eḡ dawḡ maan undugoḡ 7. Dawḡ 7 uyadi Bepaḡ’walaḡ Munabuli 7, adi yadi kwetkwet yeniḡkuliḡit hatitawiḡiḡ.

⁷ Kaḡ Domba Mihiniḡdi wooḡ mapme pop gineḡ ikuk adi’walaḡ kohoḡ didimeniḡ gineḡ pepa bilibetnit hakuk u tiguk.

⁸ Pepa bilibetnit u tibune nemek hatihatihinit 4 enj talitimenj 24 adi Domba Mihiniñ'walañ hebenj folonj maanj foonj duwokeneginj. Adi hogohogok adi baiwagimhinit, enj malinj goldi tinjt u wanañ yohoneen dahakinj. Malinj maanenj adi hemundumundune momoonj dininj mupmuk labuguk, uyadi meeninj Bepañ nadisukilitimiñginj adi'walañ ninadi.

⁹ Undunj tinja adi kap gitipmunj ninj indinj toginj.

Dagonj pepa tinja nipmek kibidakulune tuwot hinek tilak. Du gulune nanjatgedi kwetkwet meeninj folonamandap ungoninj ungoninj, enj mede waliniñ ungoninj ungoninj yehisidokoune Bepañdok gigit tiginj.

¹⁰ Undunj tinja yegunj e' yehibopneune Bepañ'walañ yokwet momoonj dininj Kayonbop enj silonj kwanai dininj talitimenjñiye mintaginj. Ala adi kwetfolonj mapme mintaanj metam yabuulidoko kwanai tineenj.

Kunum ginenj tonadifo wapum mintagak

¹¹ Kanj nu daune diwenj anjelo mohok fee mumenj hinek yabuñ mahik gigilit maanj nadigut. Adi yadi mapme pop enj nemek hatihatihinit 4, enj talitimenj heki yehikelemadiña yakinj. Kunakunat indinji yali uginj: 10 tausen mohomohok, enj 1 miliyen mohomohok yali uginj.

¹² Tinja gigilit wapum tonja indinj yoginj, "Domba Mihiniñ uut tinjt adiyen sanjinj lolonñit, enj nadinadi fulinj, enj fafañe, enj wou wapum, enj

nemenemek kinonom en yopilapilaye, nemene-mek momoon hogohogok i adi kahileune tuwot hinek tilak.”

¹³ Kañ kunum ginen, be kwetfolon, be kwet falipmen, be imengwan ginen nemenemek hatitaugin hogohogok adi indin tobu nadigut.

“Mapme pop ginen itak en Domba Mihinin adi wanan yopilapilaye, en wohikgigit wapum, en wohikgigit hautanit, en saninin lolonit hayemilak wondigon fapanenin hayemiluwaak.”

¹⁴ Kañ nemek hatihatihinit 4 adi yogin, “U biyagon.” Kañ talitimen hekidi maan duwoke-need hali niutumbagin.

6

Kale wosi 4 adi'walañ mede

¹ Kañ nu daune diween kagut, Domba Mihinin dipepa nipmek 7-di galikilitigin u kubugon nin kibidakukuk. Kibidalune nemek hatihatihinit 4 adi'walaanin nin di munkulap nabugon kutina yoguk. “Ben!”

² Yobu yali kawene kale wosi fafau nin labuna buguk. Sigin folon me nin ikuk adi yadi tebenin, tin mapme dinin saninin wapum u mimbune mikme mintaan uune nemenemek hogohogok saninin hinit adi, adi'walañ falipmen udapmagin.

³ Kañ Domba Mihinin di nipmek galikiliti 2 u kibidakulune nemek hatihatinit kunakunat 2-di kutina yoguk, “Ben!”

⁴ Yobu yali kawene kale wosi giminin wip hinek busuwaguk. Sigin folon me nin ikuk adi yadi

kwetfolonj kulema kelekulune meeniñdi kiutubuliwe titiñdok sañiniñ minjit, tiña miknonj wapum maanj minjit.

⁵ Kañ Domba Mihiniñdi nipmek galikiliti 3 u kibidakulune nemek hatihatinit kunakunat 3-di indin kutiguk. “Beñ!” Yobu yali kawene kale wosi gouyeniñ busuwaguk. Me niñ sigiñ folonjuk adi sigeli (tuwolit kameka) honeej iku.

⁶ Kañ nu nemek hatihatihinit adi’walañ bañamhik gineñ meeniñ mede nabugonj indin yobune nadigut. “Pandiñ bet kuyaniñ eñ palawa bet kuyaniñ tuwañ 40 kina, eñ olif galik be wain ime adi yehitubukadaka mu tiña biyabune undugonj itneej.”

⁷ Kañ Domba Mihiniñdi nipmek galikiliti kunakunat 4 kibidakulune nemek hatihatinit kunakunat 4-di indin kutibune nadigut. “Beñ!”

⁸ Yobu yali kawene kale wosi folonamandap kumuhañindañdi buguk. Me niñ sigiñ folonjuk adi’walañ wou adi Kumun. Ham gineñ itougiñdi hebenj folonjuk hinek kelenj bugiñ. Kañ kwetfolonjuk yowo lufomkulitniñ hogok hatune kwet yowo noli wondok yobune, mikdi, eñ map wapumdi, eñ yagit kadakaniñdi, eñ kale moihi miknitdi, meeniñ yehitubu-kadakadok sañiniñ yemgiñ.

Meeniñ Bepañ’walañ mede doktiña udihigiñ adi’walañ welehiñ yabuguk

⁹ Kañ Domba Mihiniñdi nipmek galikiliti kunakunat 5 kibidakukuk. Undun tubune meeniñ Bepañ’walañ mede kamehatiña medeniñ yohau-taune udihiniñti adi’walañ welehiñ alta falipmen halune yabugut.

¹⁰ Adi kutifiyeen yogin,

“Wapumnik, Saninin Molom, du Ungonin en Biyagon Molom. Du denin kwetfolon meenin hatiin kibikon yembaan, en indi’walaan nangatnik dinin kibikon wobuyembaan?”

¹¹ Undun yobune dahidahi fafau molomolom yemdapmaan indin yeningin. “Tipilapilaye nohiye undugon widihikumumbune yokunathikdi hidut tomboyoulune tuwot titindok muninin woom hatineen.”

Kibikon nai folon nemek mintawaak wondok mede

¹² Kan nemek nin indin kagut. Domba Mihinin adi nipmek galikiliti kunakunat 6 kibidakulune kenim wapum tuguk. Kan mele adi gouyen kabot sigin dagouyen diwelak undinin tuguk, kan muyakip adi yadi nangat undinin tuguk.

¹³ Kan hinantilamek heki adi sububadi kalip kaipmuhi fedigolopmaune main, undun kunumnenin kwetfolon maan fogin.

¹⁴ Kan kunum adi pepa bilibeneyam undun nabugon bilibetnej liweguk. En kweboboe, en kwet kambanjit adi kwehik iit tiin bikabuᅇa ugin.

¹⁵ Nemek undun mintaune kwetkwet mapme, en me bombongi en me talitimenj tubune mik tagin, en muneen bombonj fehinit, en me sanininjhinit, en meenin lolonjit, en fofonjit wanakanj hogohogok kwet be kawade ginanen hebi ila

¹⁶ kweboboe en ham kutiyeniᅇa indin yogin. “Hidi manfoonj nihikufulaᅇa nihikamehebiune

mapme pop ginenj itak adi'walañ namanda folonj mu mintanim. Enj Domba Mihiniñ'walañ kwihita mu kanim.

¹⁷ Kwihitahik diniñ nai tilak doktiña meeniñ nediyeñ kelekufalak?"

7

Meeniñ demehik folonj youkudip tiyemginj

¹ Kañ nu daune diweñ añelo 4 yabugut, adi yadi kwet diniñ tuñ 4 uñonj yali kwetdiniñ sububa 4 mongoyakiñ. Kwetfolonj, be imengwanj folonj, be bem folonj sububadi mu feditdok unduñ tiginj.

² Kañ mele labulabunenñkade añelo niñ labune kagut. Adi yadi Bepañ Hatihati Molom adi'walañ fek kame hatiguk. Kameñ hatina añelo 4 kwetfolonj, enj imengwanj folonj fana titindok yeniñit adi kutihautaanj indinj yeninguk.

³ "Hidi kwetfolonjbe, be imengwanj folonj, be bem folonj fana pilap mu tineen. Indi timen Bepañ'walañ metamñije demehik folonj fek kame yemineem."

⁴ Unduñ yobune meeniñ fekhinit'walañ kunakunat indinj yobune nadigut. "Isilaehi'walañ bop ginenin 144 tausen fek kameyemiñit.

⁵ Juda'walañ bop ginenin 12 tausen fekhinit, Luben'walañ bop ginenin 12 tausen, Gat'walañ bop ginenin 12 tausen,

⁶ Asa'walañ bop ginenin 12 tausen, Naf-tali'walañ bop ginenin 12 tausen, Manase'walañ bop ginenin 12 tausen,

7 Simion'walaŋ bop gineniŋ 12 tausen, Lewi'walaŋ bop gineniŋ 12 tausen, Isaka'walaŋ bop gineniŋ 12 tausen,

8 Sebulon'walaŋ bop gineniŋ 12 tausen, Josep'walaŋ bop gineniŋ 12 tausen, Benjamin'walaŋ bop gineniŋ 12 tausen.” Meeniŋ unduŋdi fekhinit tigiŋ.

Meeniŋ bop fee hinekdi Bepaŋ'walaŋ heben foloŋ yaŋiŋ

9 Nemek u kanadi tubudapmaan nimbo kagut. Kawene metam kwetkwet indigoŋ tuwot folonamandaphik mebimebi, mede waliniŋhik mebimebi, bop wapum hinek, meeniŋdi yokunatdok tuwot moŋ, unduŋdi mapme pop eŋ Domba Mihiniŋ'walaŋ heben foloŋ yalune yabugut. Dahidahihik kweheyehi fafau hogohogok.

10 Tiŋa kohohik gineŋ wonim hapmuŋ moŋgo yali kutihautaan indiŋ yogiŋ,
 “Tutumbanik adi Bepaŋnik, mapme pop gineŋ itak, adi'walaaniŋ eŋ Domba Mihiniŋ'walaaniŋ.”

11 Kaŋ aŋelo hogohogok mapme'walaŋ pop eŋ talitimenŋ heki, eŋ nemek hatihatihinit 4 yehikelemadiŋa yaŋiŋ, adi mapme pop heben foloŋ maan duwokeneeŋ Bepaŋ niutumbaan indiŋ yogiŋ,

12 “Biyagoŋ, yonadifo, eŋ wougigit hautanit, eŋ nadinadi fuliŋ, eŋ youtumba, eŋ wou wapum, eŋ saŋiniŋ, eŋ fafaŋe uyadi Bepaŋnik halimilakdi halimiŋa woonŋ halaak fafaŋeniŋ. U biyagoŋ.”

Adi yadi folofigita tiŋa bulaniŋgoŋ nadigiŋ

¹³ Kaŋ talitimenŋ heki adi'walaaniŋ niŋdi nan-inadiŋa yoguk. “Dahidahihik kweheyehi fafau hogohogok u nedi? Tiŋa deŋahi bugiŋ?”

¹⁴ Naninadiune mede indiŋ tubu-udanemiŋgut, “Me wapumne, uyadi da agaŋ nadilaŋ.”

Kaŋ naniŋguk. “Adi yadi memik hekidi mal-abumuŋ eŋ folofigita wapum hinek yembune nadi hatige bugiŋ, eŋ dahidahihik Domba Mihiniŋ'walaŋ naŋgatdi youtewalandagiŋ.

¹⁵ Unduŋ doktiŋa Bepaŋ'walaŋ mapme pop heben foloŋ hatiŋila helebufa tuwot Silonyotŋiŋ gineŋ tipilapilaye timiiŋ. Unduŋ tubune mapme'walaŋ pop gineŋ itakdi yamadi ila yooŋ tiyemilak.

¹⁶ Kaŋ nanaŋe imedok map kotigoŋ mu tineeŋ. Meledi be nemek nolidi foloohik mu yehidafigitawaak.

¹⁷ Mapme pop lekiŋgoŋ gineŋ Domba Mihiniŋ yatak adikuyeŋ yabudokowaak oŋ. Tiŋa hati-hati diniŋ ime dawineŋ yanagi uluwaak, eŋ Bepaŋdi yeniwihi tiŋa dautilitilihik hogohogok tumolokuyembaak.”

8

Aŋelo 7 bai yemiŋgiŋ

¹ Kaŋ Domba Mihiniŋ adi nipmek galikiliti kunakunat 7 kibidakulune kunum gineŋ medemedede be waliwali wabidapmaŋ kabup hinek halune haf awa dok tuwot tuguk.

² U dapmaune aŋelo 7 Bepaŋ heben foloŋ yakin adi yabuluwene nolidi bai 7 yemiŋgiŋ.

³ Kañ aņelo niņdi malinġ goldi tiginġ u tiņa buņa woonġ silonġ heminġ alta hebenġ folonġ honeenġ yalune hemundumundune kwam fee ulugolominġinġ. Ulugolomimbune mapme pop hebenġ folonġ dumunġ heminġ alta goldi tutumbaginġ ikuk wendok folonġ kameenġ Jesu nadisukilitimiinġ heki'walaņ ninadihik dut tomboyokuk.

⁴ Undunġ tulune kohonġ gineninġ mupmuk mundunġ momoonġ wondi Jesu nadisukilitimiinġ heki'walaņ ninadihik tubulodaune Bepaņ'walaņkade loguk.

⁵ Aņelo adi undunġ tiņa dumunġ heminġ alta folonġ kudup fininġ moņgola malinġinġ dahitokinġa kwatnekulune foguk. Foune filimpit, eņ maņinġuhut,* eņ muņkulap eņ kenim tuguk.

Aņelo 4 hekidi bai fedilune kwetfolonġ nemek mintaguk

⁶ Kañ aņelo 7 bai yemiņit adi bai feditdok tiulidokoginġ.

⁷ Tiņa aņelo kunakunat 1 adi bai fedilune gwi fifinġobut, eņ kudup naņġatdut miņobuņit wondi kwetfolonġ maguk. Maune kwet faki wapum niņ kudup daaņ bem noli eņ kilihikit hogohogok kudupdi dadapmaguk.

⁸ Kañ aņelo kunakunat 2 adibo bai fedikuk. Bai fedilune nemek niņ kweboboe wapum undininġ kudupnit imenġwaņ wapum ginenġ kulune foguk. Kulune foune imenġwaņ faki niņ naņġatnit tubudapmaguk.

* **8:5:** Maņinġuhut adi nemek figitaņ be malabumuņ nai ginenġ mede u yoyam.

⁹ Kañ kale imeneñhi fee kumunđapmagine, eñ muwage noli imenğwan wapum foloñ yaugin fee kadakadapmagine.

¹⁰ Kañ aņelo kunakunat 3 adibo bai fedikuk. Bai fedilune bamholiņa wapum niņ adi kunum gineniņ diliteleen kamaņ undiniņ daņeņa ime dawi be ime miņ fee gineņ foguk.

¹¹ Bamholiņa wou Buukaan Hinek. Unduņ doktiņa ime fee bukadapmaune meeniņ ime u naaņ mumuyenğoņ kumuņgiņ.

¹² Kañ aņelo kunakunat 4 adibo bai fedikuk. Bai fedilune mele, muyakip eñ hinantilamek fee foloñ haki mintaune hautahik faki gweheye tigiņ. Unduņ doktiņa hadapmo faki-kabe wendok tuwot mele mu diweguk, eñ timiņ unduğoņ faki-kabe wendok tuwot muyakip eñ hinantilamek heki adi mu hautagiņ.

¹³ Kañ daune diweņ bagi suwaye wapum niņ kagut. Adi yadi wahiņ foloniņ hinek hatiņila indin kutihewodiguk. “Yakeee, yakeee, yakeee, aņelo lufomkulitniņ adi’walaņ bai u fedilune meeniņ kwetfoloņ hatiņ adi dedin tineeņ ee!”

9

Aņelo kunakunat 5 adi bai fedilune gihiwak miknit mintagiņ

¹ Kañ aņelo kunakunat 5 adibo bai fedikuk. Kañ nu hinantilamek niņ kunum gineniņ diliteleen kwetfoloņ foune kagut. Adi yadi bom fuliņmamaņ diniņ namokop uditdok yeme youdilitom miņit.

² Kañ bom fuliņmamaņ diniņ namokop udilune mupmuk wapum labuguk, fiye kogi henene

daan mupmuk lolak wondok tuwolit labuŋa loon melebe, be hamap wapum tehedapmaguk.

³ Mupmuk maanenŋ adi gihiwak labuŋa kwetfolonŋ maginŋ. Bepanŋi saniniŋ yembune adi manŋitalita nabuŋonŋ metam yehisiune folofigita nadiginŋ.

⁴ Ala adi yadi kwetfolonŋ kilihikit nanane, tite be bem hapmunŋ heki mik mu tiyemdok yonŋit, adi meeniŋ Bepanŋ'walaŋ fek demehik folonŋ mu hakuk adi hogok mik tiyemdok yonŋit.

⁵ Ala yehisiune kumundok monŋ ale, hogok muyakip 5 wendok tuwot yehisifigitadok yonŋit. Folofigita uyadi manŋitalitadi nindiune nadiyam wondok tuwot.

⁶ Kaŋ nai unaninŋ meeniŋ adi kumundok yoneenŋ inŋonŋ onŋ, tuwot mu kumuneenŋ. Kumundok mohinek nadineenŋ inŋonŋ kumunŋdi tuwot mu yehitubu-lodawaak.

Gihiwak folonamandaphik diniŋ mede

⁷ Gihiwak uyadi kale wosi nabuŋonŋ, mikme hekidi mikde unene tinahukuyemiinŋ undihi hinek. Mebihik folonŋ kulunŋ goldi tinŋit nabuŋonŋ ikinŋ, namandahik adi meeniŋ namandap nabuŋonŋ.

⁸ Dumuniŋhik adi kweheyehi, fafau tam mebihik dumuniŋ kweheyehi nabuŋonŋ. Enŋ mahik kitili adi laion mahik kitili undihi.

⁹ Siyohik folonŋ kweletalak kapadi tinŋit nabuŋonŋ hakinŋ. Papalihik diniŋ gigilit adi kalis gigilitinŋ nabuŋonŋ. Kale wosi feedi mik gineŋ kalis fee yehiwodiyeŋ kiyane tubune gigilit toinŋ nabuŋonŋ hinek.

¹⁰ Uyahik en mikhik adi maŋgitalita'walaŋ undihi. Ukuyendi meeniŋ yehisifigita hatilu muyakip 5 tibaak.

¹¹ Adi'walaŋ mapmehik adi bom fuliŋmamaŋ diniŋ aŋelo wapumdi hatilak. Judame hekidi wou Abadon yogiŋ, en Gilik mede gineŋ adi Apoliyon yogiŋ. En indi'walaŋ mede gineŋ "fana wapum".

¹² Kaŋ baŋi suwayedi yakeee nai lufomkulitniŋ kutiguk, ala niŋ agaŋ dapmalak, kaŋ lufom kougoŋ hogok hakamuk.

Aŋelo kunakunat 6 adi bai fedilune mikme bop fee hinek mintagiŋ

¹³ Kaŋ aŋelo kunakunat 6 adibo bai fedikuk. Fedilune dumuŋ heheŋ diniŋ alta goldi tiŋit, Bepaŋ'walaŋ hebeŋ foloŋ itak, mimim 4 gineŋ keleunit

¹⁴ uŋaŋiŋ mede labuŋa aŋelo kunakunat 6 bai kameyakuk u indinŋ niŋguk. "Aŋelo 4 Yufeletis ime wapum gineŋ yehitehigiŋ hatiŋ u fiyakuyembeŋ."

¹⁵ Kaŋ aŋelo 4 adi gulet, muyakip, mele-nai wondok foloŋ kwetkwet meeniŋ fee mu-muyeŋ udihikumundok woom hatigiŋ, adi-ku fiyakuyemiŋguk oŋ.

¹⁶ Kaŋ mikmehiye kale wosi sigiŋ foloŋ iit-dok kunakunathik 200 miliyen unduŋ yobune nadigut.

¹⁷ Meeniŋ be kale wosi adi'walaŋ folonaman-daphik adi lihine gineŋ dabugoŋ indinŋ kagut. Meeniŋ adi kweletalak giminiŋ wip hinek, en balimnit, en gwagwaŋnit undihi moŋgo hatigiŋ. En kale wosi heki'walaŋ mebihik adi laion heki

mebihik nabugon, mahik ginenin adi kudup, en mupmuk, en tebe manin kuduphinit (salfa) labugin.

¹⁸ Kan kumon fotaba lufomkulitnin labugin wendi meenin fana kisan tigin (Metam fee mumen kumon).

¹⁹ Kale wosi heki'wala sajinin adi mahik ginen en uyahik folon hakuk. Uyahik adi mingembet nabugon, mebihinit. Wendigon meenin kisan yehitubu-kadakin.

²⁰ Kan meenin noli kumunkwane tulune bop nin fiit biyabugin adi yadi welehek mu tubu-takalegin. En hatihati be titinhikdok nadiune kadaka mu tuguk. Mon, adi yadi yabap moihi ungon mongo hatigin. En bepan yalayalan welewele goldi, en silwadi, en aindi, en kawadedi, en bemdi tutumbagin u yeniutumbagin. Adi yadi kanadi mu tiin, en unat bunat mu tiin, ingon fiit yeniutumba hatigin.

²¹ Tina undugon mik-kwadi, en tubuhi, en kefile, en kubo, kadakanin undihi u mu wabigin.

10

Anelo nin di mede yokwambunda hinek tuguk

¹ Kan anelo sajinin nit nin kunum folonin foune kagut. Adi yadi mulukwan di mumut timingin, en mebi folon kwembeke kudidi gwaiguk, namanda mele undinin, kayonyat kudupmebennit.

² Kohon di pepa kuyanin nin agan tanakiyenit kameyakuk. Kayon didimenin di imengwan wapum folon yaliguk en kayon kapmadidi kwet-folon yalin ya yakuk.

³ Yali wapumgoŋ kutiguk, laiondi mede tolak nabugoŋ hinek kutiguk. Kutibune muŋkulap 7 togiŋ.

⁴ Muŋkulap toŋa mede yobune nadiŋa kudi youlit yoŋa tiluwene kunumneniŋ kutikuti niŋ nu'walaŋkade indiŋ buguk, “Muŋkulap 7-di mede yoŋit u mu youleŋ, hogok namokop tubune halek.”

⁵ Kaŋ aŋelo imenŋwaŋ wapum foloŋ eŋ kwetfoloŋ yaliŋa yakuk, adi koŋoŋ didimeniŋ kunum foloŋkade kohodidim tiŋa mede yokwambundaguk.

⁶ Bepaŋ hatihatiniŋ dapmandapmaŋnit mokit adi nemenemek hogohogok yehitubuminta-dapmaguk adi'walaŋ wou foloŋ tebiŋa indiŋ yokwambundaguk, “Nai kotigoŋ nimaan mu hatak.

⁷ Aŋelo kunakunat 7-di baiŋiŋ fedilune mede tobaak, biyagoŋ hinek nai uŋaniŋ Bepaŋ'walaŋ mede hebiniŋ, koom kwanai-menjiye polofet heki gigit yeniŋguk, wendiniŋ foloŋ hinek mintawaak.”

Aŋelodi Jon pepa mimbu naguk

⁸ Kaŋ kunum gineniŋ mede nadigut uŋakoŋ kotigoŋ mintan indiŋ naniŋguk. “Du wooŋ aŋelo imenŋwaŋ wapum foloŋ eŋ kwetfoloŋ yaliŋa yali pepa taŋakiyenit kameyatak u tibeŋ.”

⁹ Unduŋ yobune nu wooŋ aŋelo pepa honeeŋ yakuk u namdok nimbene indiŋ naniŋguk, “Tiŋa na! Naweŋ kaŋ kabakeneŋ buukaŋ tibek eŋ mageneŋ adi kobaŋiŋ simiŋkupuk nabugoŋ tibek.”

¹⁰ Unduŋ yoŋa agaŋ pepa nambune nagut. Nawene mane gineŋ simiŋkupuk nabugoŋ kobaguk, ala kumuyewene kabatne gineŋ buka tuguk.

¹¹ Kaŋ indiŋ naniŋiŋ. “Du meeniŋ bop fee hinek, folonamandaphik eŋ mede waliniŋhik mebimebi, tiŋa mapmehiye aditok kigili mede kotigoŋ yobaan.”

11

Jondi Bepaŋ’walaŋ Siloŋyot kamekadok niŋiŋ

¹ Kaŋ nuye kusek kameka kudinit niŋ namuŋa indiŋ naniŋguk, “Du pilali Bepaŋ’walaŋ Siloŋyot, eŋ alta kamekawen, tiŋa wendiniŋ maanen hatiŋjila Bepaŋ niutumba tiŋ u yehikunalen.

² Eŋ Siloŋyot diniŋ wawali adi kameka mu tibeŋ, hogok wabiune halek. Uyadi meeniŋ Bepaŋ’walaŋ fekhinit mokit aditok wabiyemiŋit. Biyagoŋ kuyoŋ, adi muyakip 42 hatiŋjila Bepaŋ’walaŋ yokwet uŋgoŋiŋ u fana tineen.

³ Kaŋ nu’walaŋ meyat lufom medene yohau-tadok yeniŋkulene metam wele tubutakale mu tineen aditok bulaniŋgoŋ wapum nadiŋa fiit melenai 1 tausen 2 handelet 60 hatiŋjila meeniŋ kigili mede yenindemeek.”

Meyat lufom’walaŋ mede

⁴ Meyat adi yadi bem olif eŋ kamaŋ boidok kweli undihi, tiŋa adi kunumkwet diniŋ Mapme’walaŋ hebeŋ foloŋ yakamuk.

⁵ Nebek niŋdi meyat u memik tiyembaak adi yadi meyat’walaŋ mahik gineniŋ kudupdi labuŋa yehidakumumbaak. Unduŋ doktiŋa nebek niŋdi

memik tiyembaak adi yadi unduku tiņa kumumbaak oņ.

⁶ Meyat adi yadi gwi talik tehep timindok saņiniņ hayemilak. Unduņ doktiņa adi yobune gwi mu ula hogok hatune kigili mede yohatide-meek. Tiņa undugoņ, yobune imedi naņgatnit titiņdok saņiniņ hayembaak. Eņ kwetfoloņ yagit mebimebi mintaune kumuņ fotaba titiņdok yobune wondok tuwot mintaneņ.

⁷ Unduņ tiņa Bepaņ'walaņ mede yohauta hatilune naihiņ dapmaune kale miknit bom fuliņmamaņ hinek gineņ hatilakdi labuņa adut mindobuņa udihikumumbaak.

⁸ Meyat u udihikumumbune meeniņdi dabahiyat u biyabune yokwet wapum diniņ wawaliweņ uņgoņ dahatemeek. Yokwet wendok yoyout e' 'Sodom' dut 'Isip' yoniņ. Wapumnik yokwet uņgoņ kolonđabek foloņ ulune kumuņguk.

⁹ Kaņ kwetkwet meeniņ fee folonamandaphik mebimebi, eņ mede waliniņhiņ mebimebi wendi dabahiyat melenai lufomkulitniņ eņ faki hogokniņ wendok tuwot hati yabukuwatneņ. Tiņa nolidi yehiwenefuladok yobune nolidi yenihep tineņ.

¹⁰ Tiņa polofet yakat adi meeniņ folofigita kisaņ yemiņgumuk doktiņa kibibo meeniņ kwetkwet tonadifo tiņa bomboņdi siloņ kibikibi tineņ.

¹¹ Ingoņ oņ, melenai lufomkulitniņ eņ faki hogokniņ dapmaune Bepaņ'walaaniņ hatihati diniņ munabulidi dabahiyat gineņ foune kaikaņ pilakumuk. Pilalune meeniņ adi yabuņa boho

tiŋa mamihik teleguk.

¹² Unduŋ tulune kunum foloniŋ kutikuti wapum niŋ meyat adi'walaŋkade indiŋ foguk. "Hidi iŋoŋ labudemek." Kaŋ memikhiye adi yali yabulune mulukwaŋ maaneŋ kunum gineŋ logumuk.

¹³ Kaŋ nai uŋaŋiŋgoŋ kunum gineŋ lolune kenim wapum tuguk. Yokwet wapum gineŋ yot fee (1/10) goloŋ fooŋ yot fana tiŋa meeniŋ 7 tausen widihikumunŋiŋ. Unduŋ tubune moŋkaaŋ meeniŋ kaipmuŋ hatigiŋdi muntaaŋ Bepaŋ kunumneniŋ wou nintilogiŋ.

¹⁴ Bagi suwayedi Yakeee nai lufomkulitniŋ kutiguk, ala kunakunat lufom diniŋ folooŋ agaŋ mintaguk. Kaŋ yoŋ adi agaŋ kubugoŋdok hogok hatak wadi pilap mintawaak.

Aŋelo kunakunat 7-di bai fedilune nemek mintaguk

¹⁵ Kaŋ aŋelo kunakunat 7 adibo bai fedikuk. Bai fedilune kunum foloŋ baiham kakaŋ togiŋ. Toŋa indiŋ yogiŋ,

"Kwet wapum i wanaŋ hogohogok Bepaŋ Wapumnik eŋ kwanai-meniŋ Kilstodi kahiledapmayamuk. Kaŋ adi kubugoŋdi yodoko eŋ yodidime kwanai youdihinit tihatiluwaak fafaŋeniŋ."

¹⁶ Unduŋ tobune talitimenŋ 24 Bepaŋ'walaŋ hebeŋ foloŋ mapme pophik foloŋ ikiŋdi mulelem tiŋa duwokeneeŋ fooŋ hali Bepaŋ indiŋ yoŋa ninadifo tiŋa niutumbagiŋ,

¹⁷ "Wapum Bepaŋ, Saŋiniŋ Molom, hatiguŋdi hatilaŋ, indi du ganinadifo eŋ ganiutumba tiyam. Du saŋiniŋge wapum taŋakieune

mintalak, unduŋ tiŋa mapme kwanaige tububihila yodoko eŋ yodidime kwanaige miŋgoŋ tubuhautalaŋ.

18 Meeniŋ kwetkwet kwihita tigiŋ doktiŋa dubo kibikoŋ tiyemdok naige tilak. Tiŋa kumuŋhinit'walaŋ mede yodapmaŋdok nai dulalak. Tiŋa undugoŋ tipilapilaye-megeye polofet heki, eŋ meeniŋ du nadisukilitigamiŋ, eŋ nadigambune loune giŋiŋgoŋ tigamiŋ loloŋnit be fofoŋnit tuwahik fofoŋ hinek yemdok nai tilak. Eŋ kwet be metam kwetfoloŋ iŋoŋ yehitubu-kadakaŋ heki adi kibibo yehitubu-kadakadok nai tilak.”

19 Adi unduŋ tulune kunum foloŋ Siloŋyot dil-itombune Bepaŋ'walaŋ yofolok diniŋ bogit wapum miŋgoŋ hakuk. Kaŋ nai uŋaŋiŋgoŋ filimpit, eŋ maŋiŋguhut, eŋ muŋkulap, eŋ kenim, eŋ fi-fiŋgobut wapum hinek mintaguk.

12

Kunum foloŋ tam niŋ yakuk

1 Kaŋ kotigoŋ kunum foloŋ kudi niŋ indinŋ mintaguk. Tam niŋ yakuk, adi yadi meledi tinahukuliminŋit, eŋ kayoŋ hapmenenŋ muyakip ikuk. Kaŋ hinantilamek 12 adi mebi foloŋ kulunŋ wele unduŋ ikiŋ.

2 Ala adi yadi mihiwelenit, tiŋa wapmihi nagit-dok folofigita nadiŋa yakawe kisaŋ toguk.

3 Ala tam adi unduŋ hatulune kunum foloŋ kudi niŋ indinŋ mintaguk. Uyadi fowa kakaŋ niŋ mintaguk, folonamandaŋniŋ giminiŋ wip hinek,

mebi 7 eņ kelevu 10. Mebi molomolom foloņ mapme kuluoņ ilauiņ.

⁴ Kaņ uyaņdi hinantilamek noli (1/3) widihi moņgo yakulune kwetfoloņ fogiņ. Fowa adi unduoņ tikabu, tam wapmihi nagile tulune indioņ nadiņa wooņ kamadi hakuk, “Wapmihi nagilune tikumuye tibit.”

⁵ Tamdi wapmihi nagikuk uyadi mihi. Ala mihi wondigoņ tot fafaņeņ maliņa hatiņa meeniņ kwetkwet yabudokodok niņit. Unduoņ doktiņa mihi mintaune nagilooņ Bepaņ’walaņ mapme pop itakneņ hebeņ foloņ kamegiņ.

⁶ Kaņ tam adi momoņ kwet fiileņ mauguk, ala uņoņ Bepaņdi melenai 1 tausen 2 handelet 60 wendok tuwot nanane ime miņtoi timineeņ yoaņa yokwet niņ tiulidokoguk.

Sadaņ kunum gineniņ kelekulu foguk

⁷ Kaņ kunum foloņ mik wapum mintaguk. Aņelo wapumhik Maikol eņ aņeloniye adi fowa ula kelene meyout tigiņ, kaņ kibi fukuniņ fowa eņ aņeloniye adi maan meyout tigiņ.

⁸ Ingoņ oņ, fowa meņiye adi fafaņe mu tigiņ. Adi gweheye tubune kunum gineņ hatidok kameheyemiņgiņ.

⁹ Biyagoņ hinek kuyoņ, fowa wapum, miņgembet komi, yabap moiniņ heki’walaņ talitimenhik wapum Sadaņ, kwetkwet meeniņ wele tubufit tiyemilak u tapmekulune kwetfoloņ foguk. Ne tapmekula aņeloniye wanaņ yehitapmekulune fogiņ.

¹⁰ Unduoņ tiņa kunum foloņ kutikuti niņ indioņ mintaune nadigut, “Bepaņnik’walaņ tubuloda, eņ

sañiniñ, eñ yodakale eñ yodidime kwanai, eñ Kilistonñiñ'walañ sañiniñ inakoñ mintadakalelak. Notniye nadisukilitihiniñ'walañ memik, helema-helemañ helebufa tuwot Bepañ namanda foloñ mebihik yohauta tiña yenintifo tilak, unakoñ hinek tapmetikukin.

¹¹ Adi yadi Domba Mihiniñ'walañ nanğat foloñ ulodikilitiña Mede Momoon muntamuntanit mokit yohautagin doktiña fafañegin. Unduñ tiñila hatihatihik mu kahilegin, adi kumuñ titindok munta mu tiña yodapmagin.

¹² Unduñ doktiña kunum hogohogok eñ unon itowiinđi nadifo tineen. Ingon kwet dut imenğwan wapum, hidi dedin tidemek, oye! Yadi Kadakanin Molom agañ hidi'walañkade fohamulak. Biyagon hinek kuyon, nainin agañ dapmandok muninin tilak u kañ kwihita kisañ hinek tilakneñ ala.”

Fowadi tam memik timinguk

¹³ Kañ fowa adi kelekulune kwetfoloñ foon tam mihi nagikuk u memik timinguk.

¹⁴ Unduñ tuluguk kañ tam u bagi suwaye papaliyat mimbune woleen momon kwet fiilen Bepañ ne tiulidokomingukneñ woon fowadok munta mokit hatidok kameu uguk. Tiña unon hatilune kadokoon katoilune gulet 3 eñ fakinin tuguk.

¹⁵ Adi unduñ tiña momolune fowa adi mindan manin ginenin ime suwakulune foon ime bedi tuguk uyadi tam uku ulawoti uundok nadinu unduñ tuguk.

¹⁶ Ingon kwetdi tam yahehewe timina, manin an tubune fowadi ime suwakukuk hogohogok u ungon fodapmaguk.

¹⁷ Undun tubune fowa adi tamdok nadikwihtan metamniye widihiwene uguk. Biyagon hinek kuyon, Bepan'wala yodoko mede tagimneen Jesu wou yohautan adi udihidok uguk.

¹⁸ Woon imengwan wapum dinin kin folon fosuwaan yakuk.

13

Imengwan wapumnenin kale miknit labuguk

¹ Kan yakaluwene imengwannenin kale moinin miknit nin di labuguk. Adi yadi mebi 7 en kelev 10, ala kelev indigon tuwot mapme kulun 10 ikin. Mebi folon adi wohiye youkudip tigin di haliugin. Wohiye wendinin mebi adi Bepan nintifo tina nimpekit tigin.

² Kan Kale Moinin miknit kagut adi'wala folonamandapnin adi mudi mojn wapum nabugon, kayon adi kale bea kayon nabugon, en manin adi laion manin undinin. Kan Fowadi ne'wala fafanenin, en mapme popnin, en saninin wapum hinek mindapmaguk.

³ Kale wondinin mebi nin youlukumun tigin dinin wedebitnit nabugon kagut. U wedenin gilakaune kotigon kedebaguk. Undun doktina meenin kwetkwet kagitegiteken adut hinek hatigin.

⁴ Tina undugon Fowa adi kale u saninin minguk doktina, meenin kwetkwet Fowa mohinek niutumbagin en kale maan nintinaloon niutumbaan

yogin, “Kale adi dabugon nediyen hatilak. En nediyen manjon timimbaak?”

⁵ Tiña sigitiñalo mede en medehaki yodok nindapmaguk. Tiña muyakip 42 kwanainin hati titindok nai timinguk.

⁶ Undun tiña Bepan ne, en yolikweli, en wou wapum, en kunum folon itowiin wanakan hogohogok medehaki yeniña kisan yenin kadaka hatiluguk.

⁷ Tiña Bepan’walañ metamñiye titiñhik didimehi mik-kwadi tiyemiña yehitiñafotitindok nindapmanjit. Tiña kwetkwet meeniñ folonamandaphik be mede waliniñhik mebimebi wanakan me bombongi tiyemdok saniniñ minjit.

⁸ Kan kwetfolon meeniñ hogohogokdi, adi niutumbagin. Meeniñ wohiye Domba Mihiniñ’walañ hatihati diniñ pepa ginen mu youlinjit adi hogohogok kuyen kale u niutumbaneen. Domba Mihiniñ yon adi koomkwaha kwet mu mintaguknenjon Bepandi ulukumuneen yodapmaguk.

⁹ Maginitdi mede i nadiwek.

¹⁰ “Nebek nin adi yot fafañeniñdok gigit tuguk adi yot fafañeniñ ginen fowaak. En nebek nin adi miknonñdi youlukumundok gigit tuguk adi miknonñdi youlukumundok.”

Biyagon hinek kuyon, Bepan’walañ metam didimehi hidi nai unaniñ nadisukilitihik honefafañeen gigne tiña hatineen.

Kwet maanenin kale nin labuguk

11 Kaṅ kwet maanenṅiṅ kale moiniṅ miknit niṅ labune kagut. Adi yadi dompa mihiniṅ nabugon keleunṅiṅ muninṅon en tunṅumun. Inṅon medenṅiṅ adi fowa nabugon wapum toguk.

12 Kaṅ kale moiniṅ miknit wendi kale timen labuguk'walaṅ namanda folon hatiṅila adi'walaṅ saṅiniṅ folon kwanai tuluguk. Tiṅa metam hogo-hogok kwetfolon hatigiṅ yeniṅgigineune kale timen wedewai tiṅa gilakaguk adi mulelem timinṅiṅ.

13 Kaṅ adi yadi undun tiṅa kudi wapuhi fee tuguk, tiṅa yobune kwetkwet meeniṅ naman-dahik folon kunum gineniṅ kudup foguk.

14 Biyagon hinek kuyon, adi kudi undiniṅku titinṅdok nadimiṅit doktiṅa kale timen labuguk adi'walaṅ wou folon tiṅila kwetkwet meeniṅ hatiṅ wele tubufit tiyemguk. Tiṅa undugon yenimbune kale wedewai tiṅa gilakaguk adi'walaṅ welewele tutumbagiṅ.

15 U tutumbaṅ kambiyalune yatune kale moiniṅdi mindaṅ labuguk aditok saṅiniṅ miṅgiṅ doktiṅa munabut fedidahimimbune kaikaṅ medemedede toguk. Undun tiṅa yobune meeniṅ aditok mulelem mu timinṅiṅ heki yadi udihikumun tigiṅ.

16 Tiṅa meeniṅ loloṅnit be fofonit, bombonhinit, be hambeep, bombongi be tipilapilayeme, meeniṅ hogohogok wanaṅ yenimbune kohohik didimeniṅ folon be demehik folon fek kamedapmagiṅ.

17 Undun tiṅa kale diniṅ fek mu monṅo hatigiṅ adi yadi nemek kibikibi titinṅdok be tuwatuwa

titiŋdok kamehep tiyemgiŋ. Fek woŋ adi kale'walaŋ wou be wou diniŋ kunakunat.

¹⁸ Nadinadi fuliŋgoŋ iŋoŋ hatak. Meeniŋ niŋ adi nadinadi nenobu halimiluwek kaŋ kale kunakunatiŋ diniŋ mebi tubumintawaak. Kunakunat woŋ adi kwetfoloŋ me niŋ'walaŋ kunakunat. Kunakunat uyadi indinŋ 666.

14

Dompa Mihiniŋ eŋ kayoŋbopŋiye adi Saiyon kweboboe foloŋ yakin

¹ Nu Saiyon kweboboe foloŋ (Bepaŋ'walaŋ kweboboe) koti diweenŋ kawene Dompa Mihiniŋ uŋgoŋ yakuk. Tiŋa meeniŋ kunakunathik 144 tausendi adut wanaŋ yakin. Demehik foloŋ adi ne'walaŋ wou eŋ Beu'walaŋ wou youkiŋ.

² Unduŋ hogok be yo nadiŋeŋ! Kunum foloniŋ gigilit wapum nadigut, uyadi ime hambem kuma gineŋ fooŋ tolak undiniŋ, be muŋkulap wapum tolak undiniŋ. Ingoŋ mede gigilit u nadiwene baiwagim nabugoŋ tuguk. Eŋ meeniŋ feedi baiwagim ulune tolak undiniŋ nadigut.

³ Adi yadi mapme pop hebenŋ foloŋ eŋ nemek hatihatinit 4, eŋ talitimenŋ heki'walaŋ hebehik foloŋ kap gitipmuŋ niŋ togiŋ. Kap uyadi meeniŋ nolidi tonadidok tuwot mu tuguk. Adi meeniŋ 144 tausen yehidaneŋ yehituwaŋ ne-tok yabukahileguk, adi hogokdi nadidok tuwolit tuguk.

⁴ Biyagoŋ kuyoŋ, adi yadi tamwoi dut titiŋ hogoli mu tiŋa welehik walaŋiŋ hatigiŋ. Adi hinek kuyeŋ Dompa Mihiniŋdi hatilu katuwali

kelehatigij. Biyagon hinek, adi yadi kwet-folonj metam ginenij yehituwanjit, ala wendigon nanane kwanai kobut ginej timentimej kitalak u Bepandok silonj tiyam unduj nabugon, meenij kwetkwet hatiij unanij Bepan enj Domba Mihinidok timentimej yehidaneen yehituwaan yanagikuk.

⁵ Tina adi'walanj mahikdi yalanj mede nemu yogij, adi yadi yomhinit mokit.

Anjelo lufomkulitnij'walanj kutikuti mintaguk

⁶ Kanj kawene Anjelo nij folonij hamap ginej hinek gwanj woleen uguk. Adi yadi meenij kwetkwet, folonamandaphik enj mede walinijhik ungonij ungonij aditok Bepan'walanj Mede Moomonj monjgoyem hatiguk.

⁷ Adi wapum hinek kutija indij yoguk, "Hidi yadi Bepan nadimimbune loune gikingonj timiyaneen. Biyagon kuyonj, kibikonj wobuwobu nainij dulalak. Kwetkunum, imengwanj wapum, enj ime dawi yehitubu-mintaguk adi wou nintiloon niutumba tiyaneen."

⁸ Adi unduj kutija ulune anjelo nijdibo mindan bunja indij kutiguk, "Babilon yokwet wapum pupuhenelak. Aganj pupuhene hinaka tilak! Biyagon kuyonj, yohi wahi unahidi meenij kwetkwet siloda kadakanij u wain ime miknit nabugonj yemtoiyagin."

⁹ Unduj kutija ulune anjelo kunakunat 3-di bunja mede wapum yohautaanj indij yoguk, "Nebek nij adi Kale Moinij ne-be, be welewelenij mulelem timimbaak, enj demei folonj

be kohon folon adi'walaŋ fek mongo hatibaak adi kibikon malabumon indin mintamimbaak.

¹⁰ Adi yadi Bepandi kwihitanin dinin wain ime miknit hinek, ime hinek dut mu minobunjit, u ne'walaŋ kulufe ginen ulimimbune naan kudup fafanenin kawade hakatdi (salfa) ha-dalaknen foon daune folofigita dapmandapmanjit mokit nadiwaak. Won adi anelo ungonin en Domba Mihinin adi'walaŋ hebehik folon-ku mintawaak on.

¹¹ Kan kudupdi meenin undihi yehidahiune wendinin kudup mupmukdi youdihinit loluwaak. Ala meenin Kale Moinin miknit, en welewelenin mulelem timingin adi be, be wou dinin fek kame hatigin adi walaŋ folofigitadi mu biyabaak. Undun doktina ikulema mu tina helebufa tuwolit folofigita tomboyoutnit hinek nadi hatiyaneen.”

¹² Biyagon hinek, nai unaningon meenin nadisukilitihinitdi Bepan'walaŋ yodoko mede takalina Jesu'walaŋ Mede Moomon u munta mu tina kame hatiin adi saninin tubumintaan fafane tina folofigita naditaune malabumon yendi mu yehitubu-gweheyewaak.

Bepan'walaŋ mede kamehatina kumiin adi'walaŋ mede

¹³ Kan kunum ginenin mede nin indin mintaune nadigut, “Du mede i youlen. Nai indidegon tububihila, Wapum'walaŋkade ulodina kumuneen adi Bepandi kahan tiyemulak doktina welemoomon nadiyaneen.” Ungonin Munabulidi indin tomboyoula yoguk, “Biyagon,

adi kwanai tigulugulune u dilitele kameña ikuleen welemoon nadiin. Ala nehi ulune titin en hatihatihikdi wanañ ulak.”

Kwetfolon meenin nadisukilitihinit hatiin yanagitdok nindidimeguk

¹⁴ Nu kotigon wahinkade diwewene loune pilap hinek mulukwan fafau nin mintaune kagut. Tina mulukwan folonin meenin nin ilune kagut. Adi yadi folonamandapnin adi Me Kobumuñ nabugon. Mebi folon mapme kulun goldi tutumbagin mokoña ikuk en kohon di tahak manin mikit hinek kame ikuk.

¹⁵ U ya-kaluwene Silonyotnenin anelo nin di foon me mulukwan folonin ikuk aditok indin kutininguk, “Du tahakgedi mongotna boi tiben. Biyagon hinek, kwetfolon kwanai hatak agan tuwot kitaan gilakalak doktina mongoboi titindok nai tilak.”

¹⁶ Undun yobune mulukwan folon ikuk adi tahaknin di kwetfolon kula ulinila mongotna tuguk.

Kadakanin titin kibikon tiyemdok nindidimeguk

¹⁷ Undun tulune anelo nin dibo kunum ginen Silonyotnenin labuguk. Adi maan undugon tahak manin mikit hinek honeen hatiguk.

¹⁸ Adi bulune nolinin nin silon hemihemin alta ikuknenkade unandin buguk. Adi yadi kudup kadoko hatilakdi nolinin tahak manin mikit honeen hatiguk u indin kutininguk, “Biyagon hinek, du tahakge manin mikit kwetkwet waingile agan kitaan gimindain ale filodokokut!”

¹⁹ Unduñ yobune añelo noliñinđi tahak kulune wain foloñ gilenit filopmadidapmaune magiñ. Kañ mongola Bepañ'walañ kwihitañiñ diniñ ufilifiliye kabot wapum maanenñ kulune fotelegiñ.

²⁰ Unduñ tiña yokwet diniñ gimbahanñ gagayenñ yalifilifiliyeune nanğat gibitañ labuguk. Labuge-labuge imenğwanñ wapum tuguk. Uyadi kale wosi heki geñhik foloñ labu wehemilek wondok tuwolit tuguk. Tiña kwet kweheyeniñiñ 3 han-delet kilomita wendok tuwot tokiña hakuk.

15

Meeniñ kwetkwet bopneñ Bepañ kap tomiñgiñ

¹ Kañ kunum foloñ kudi muntañ hinek niñ kagut. Añelo heki 7-di meeniñ kumuñ fotabadok nemek mikhinit 7 mongo yañiñ. Nemek u mindañ mintane Bepañ'walañ kwihita diniñ foloñ mintadapmanđok yonjit.

² Tiña niñ indinñ kagut, uyadi imenğwanñ wapum niñ galas nabuğonñ kudupmebem dut miñobunjit. Ala meeniñ Kale Moiniñ'walañ mede, eñ weleweleniñ, eñ kunakunatiñiñ u fafañe tiña kelekufakiñ, adikuyenñ imenğwanñ wapum galas nabuğonñ adi'walañ gagayenñ, Bepañdi baiwagim yemguk beña yalune yabugut.

³ Adi Bepañ'walañ tipilapilaye-meniñ Moses'walañ eñ Domba Mihiniñ'walañ kap indinñ yonja togiñ,

“O Wapum Bepañ, Sañiniñ Molom, du kwanai loloñnit eñ magaligalinit tilañ. Meeniñ mohok kwetkwet hatitawiiñ adi'walañ Mapme Loloñnit, du'walañ talik didimeniñ eñ foloñ hinek.

⁴ Wapum, du nediyen gikingon mu tigambaak? En nediyen wohoge mu youtumbawaak? Du kubugon di ungoni hinek. Du tubudidime kwanai didimeningon tubune mebi dakalelak. Undu dokti na meeni mohok du'wala nkade bu na mulelem tigamuyaneen."

Ajelo 7 malinhinit mintagin

⁵ Ka na nu daune diwen kawene kunum folon Silonyot yeme dilitomunguk. Yot won adi yofolak mede dini yot.

⁶ Dilitombune ajelo 7 meeni kumun fotabadok nemek mikhinit 7 mongola hatigin adi Silonyotneni labugin. Adi yadi dahidahi walanin fafau dahina hatigin, en siyohik folon kiyegelep goldi tinj wendi youkilitigin.

⁷ Ka na nemek hatihatihinit 4 yakin adi'walaanin nin di ajelo 7 malin 7 goldi tutumbanjit u molo-molom yemguk. Malin maane adi Bepan hatihati fafaneni molom dini kwihitadi tokiguk.

⁸ Ka na Silonyot maane Bepan hautanin dini en sanjini nin dini mupmukdi labuna tokidapmaguk. Ka na ajelo 7 heki'wala meeni kumun fotabadok nemek mikhinit 7 mu tubumintadapmagin dokti na nebek nin di Silonyotneni lolondok tuwot mu tuguk.

16

Bepan'wala kwihita malin 7

¹ Ka na Silonyotneni kutikuti wapum nin indin labune nadigut. Uyadi ajelo 7 indin yeninguk. "Hidi woin malin 7 kwatneune Bepan'wala kwihitadi kwetfolon fowek."

² Kaṅ aṅelo kunakunat 1-di wooṅ maliṅ gineniṅ nemek kwatneune kwetfoloṅ foguk. Foune meeniṅ Kale Moiniṅ'walaṅ wou kamehatigiṅ eṅ weleweleniṅ mulelem timiṅgiṅ adi wede mebimebi kadakahi hinekdi foloohik foloṅ mintayemgiṅ.

³ Kaṅ aṅelo kunakunat 2-dibo maliṅgiṅ gineniṅ nemek kwatneune imenṅwaṅ wapum gineṅ foguk. Foune imenṅwaṅdi naṅgat eṅ meniṅgitnit nabugoṅ tuguk. Unduṅ tubune imenṅwaṅ wapum gineṅ nemenemek hatihatihiniṅ kumuṅdapmagiṅ.

⁴ Kaṅ aṅelo kunakunat 3 adibo maliṅgiṅ gineniṅ nemek kwatneune ime dawi eṅ ime miṅ gineṅ foune naṅgat tubudapmaguk.

⁵ Unduṅ tubune aṅelo ime kadoko kameniṅdi indinṅ yobu nadigut,

“Didimeniṅ eṅ Uṅgoniṅ Molom, hatiguṅdi hatilaṅ. Kibi toboniṅ yodapmaṅ medege didimeniṅgoṅ yolaṅ.

⁶ Adi yadi kayoṅbopgeye eṅ polofetgeye'walaṅ naṅgat tubukadakagiṅ doktiṅa kibibo naṅgat iṅgoṅ yemtoiune naiṅ. Unduṅ tiyembune tuwot hinek tilak.”

⁷ Kaṅ altadi mede indinṅ yobu nadigut, “U biyagoṅ. Wapum Bepaṅ, Saṅiniṅ Molom, kibi toboniṅ yodapmaṅ medege adi biyagoṅ eṅ didimeniṅ hinek.”

⁸ Kaṅ aṅelo kunakunat 4-dibo maliṅgiṅ gineniṅ nemek kwatneune mele gineṅ foguk. Uṅoṅ foune mele diniṅ kudup gibitaṅ daaṅ meeniṅ kisaṅ yehidaguk.

9 Meenin adi mele kudutnjndi yehidaune, Bepandi yobune nemek miknit undu mintaguk adi'wala wou ninjadakagin. Tina welehi mu tubutakaleen Bepan mu nintilogin.

10 Kan anelo kunakunat 5-dibo malinjnin ginenin nemek Kale Moinin'wala mapme popnin ginin kwatneune foguk. Kwatneune fone yolik-weli mambip tubudapmaguk. Undu tubune meenin adi folofigita fulingon hinek nadinan mahik sikiliti tigin.

11 Untinila folofigita en wedehik doktina Bepan kunumnenin nimpokit tina nisuwambat tigin. Undu tina welehi mu tubutakalen, titin be hatihatihik kadakanin u mu wabigin.

12 Kan anelo kunakunat 6 adibo malinjnin ginenin nemek kwatneune Yufelitis ime wapum ginin foguk. Fone ime nangakuk. Uyadi talik mintane mapme mele labulabunenjkadehidi bubundok undu tuguk.

13 Kan nu yali yabuluwene fowa'wala manin ginenin en Kale Moinin manin ginenin, en polofet yalaya manin ginenin yabap moihi lufomkultin, hawom nabugon labugin.

14 Adi yadi yabap folon. Kudi wapum titindok saninin hayemilak. Adikuyen mapme kwetkwet hatin yenihohokeneune Bepan Saninin Molom'wala nai wapum folon mik titindok meyou tina bun mindobu tineen.

15 "Indin hinek nadinen! Nu yadi kubome nabugon kaka busuwawaat. Ale tiyagene nebek nin adi hambiyek tina mekawaaknen, ala nadinale haulenin tinahukutdok tiulidokoon

hatiluwaak. Unduŋ tibaak adi Bepaŋdi nadifo tiŋa kahaŋ timimbaak.”

¹⁶ Toboniŋ indiŋ, yabap moiniŋ heki adi kwet niŋ wou Judahi’walaŋ mede foloŋ Amagedon yogiŋ ungoŋ mapme yehibopnedapmagiŋ.

¹⁷ Unduŋ tulune aŋelo kunakunat 7 adibo mal-iŋŋiŋ gineniŋ nemek hamap foloŋ kwatneune foguk. Kaŋ Silonyotneŋ mapme pop ikukneŋkade mede niŋ indiŋ foguk, “Agaŋ tuwot tilak.”

¹⁸ Unduŋ yolune filimpit, eŋ muŋkulap, eŋ maŋiŋguhut, eŋ kenim wapum hinek tuguk. Meeniŋ koomkwaha hatitalabugiŋneŋ undiniŋ nemu tuguk.

¹⁹ Unduŋ tubune yokwet wapum tawaan lu-fomkultitniŋ tuguk. Eŋ meeniŋ kwetkwet hatiŋ adi’walaŋ yokwet wapuhi pupuhenedapmaguk. Eŋ Babilon yokwet mebi’walaŋ molohiye adi yadi Bepaŋ ne titiŋhik yabunadiŋa nadikwihi-tayemiŋa wain ime fafaŋeniŋ miknit yemiŋguk.

²⁰ Tiŋa nai uŋaŋiŋgoŋ kwet kambaŋgit eŋ kwe-boboe wanaŋ liwedapmagiŋ.

²¹ Eŋ kunum gineniŋ gwi wapum ukuk, gwi foloŋ adi sububa tiŋa kawade bigim nabu-goŋ mintan, * meeniŋ udihiune folofigita nadiŋa Bepaŋ nimpekit tiŋa nisuwambat tigiŋ. Gwi sifo wapum hinek ula fana kisaŋ tiyemguk.

17

Tam niŋ kale giminiŋ foloŋ ikuk

* **16:21:** Malabumuŋhik adi 45 kilo.

¹ Kaŋ aŋelo 7 maliŋ 7 beyaugini adi'walaaniŋ niŋdi nu'walaŋkade buŋa indinŋ naniŋguk. “Kefifile tam hogoli hinek wounit ime wapuhi foloŋ itoulak adi kibikoŋ mintamimbaak u ganimbe kawenŋ.

² Yakalaŋ! mapme kwetkwet hatiŋ adi yadi adut kefile tiginŋ, eŋ meeniŋ kwetkwet hatiŋ adi adi'walaaniŋ siloda diniŋ wain ime naan nadibubuye tiginŋ.”

³ Unduŋ nanimbune Unŋoniŋ Munabulidi saŋiniŋnit hinek fotokinamuŋa kwet fileŋ nanagila uguk. Kaŋ uŋoŋ tam niŋ kagut, adi kale moiniŋ niŋ giminiŋ foloŋ ikuk. Kale folooŋ foloŋ wou fee youkudip tiginŋdi tokiŋa hakiŋ. Wou wendiŋ mebi adi Bepaŋ nintifo tiŋa nimpekkit tiginŋ. Kale wondiŋ mebi 7 eŋ kelevu 10.

⁴ Kaŋ tam wenŋ adi dahidahi giminiŋ eŋ timbitimbit kudi-di dahiŋa hatiguk, eŋ tinahukutŋiŋ adi gol, eŋ kawade kudinit eŋ komkom filimpitpitnit tuwaŋiŋ lolonŋnit, undihidi tinahukula hatiguk. Tiŋa kohonŋdi maliŋ niŋ goldi tutumbagiŋ honeeŋ yakuk wondiŋ maaneŋ adi siloda kadakaniŋ diniŋ nemek dagidagiyeŋ, munduŋ kadakaniŋ, undiniŋdi fotokiguk.

⁵ Demei foloŋ wou hebiŋiŋ indinŋ youkiŋ hakuk, “Babilon yot mebi wapum, siloda tiŋa kefile titinŋ diniŋ miŋ na inakoŋ. Wendigoŋ kwet tubumadimadime tilak.”

⁶ Unduŋ tiŋa tam adi metam nadisukilitinit eŋ Jesu wou yohautagiŋ adi'walaŋ naŋgat nage nage nadibubuye tubune kagut. U kaŋ boho kisaŋ tugut.

Kale mebi 7 wondiniḡ mede

⁷ Kaḡ aḡelodibo indinḡ yoḡa naninadiguk, “Maḡḡoḡde boho kisaḡ tilaḡ? Nu tam yeḡ’walaḡ mebi ḡanimbe nadiweḡ. Eḡ kale mebiḡinḡ 7 eḡ keleu 10nitdi hekilak adi’walaḡ mebi hebininḡ ḡanindakalewe nadiweḡ.

⁸ Du kale moininḡ kaḡaḡ uyadi koomkwaha hatiguk, nai indideḡoḡ mu hatilak, kaḡoḡ adigili koḡ fulinḡmamaḡ ḡineninḡ labuḡa kumuliwe kwetneḡ fowaak. Kaḡ koomkwaha hatiguk, nai indide mu hatilak, hatigene udaneeḡ baak u meeninḡ kwetfoloḡ hatiḡinḡdi kaḡ yobedibediye tineeḡ. Wohiye kwet tububihila mintaguk nai uḡaḡinḡoḡ hatihati fafaḡeninḡ dininḡ pepa foloḡ mu youlinḡit, meeninḡ adikuyeḡ unduḡ tineeḡ.

⁹ “Yoḡ adi nadisu-fulinḡoḡ tiḡa mebi nadidok tilak. Mebi 7 adi kweboboe 7, tamdi wihila itak ukuyoḡ.

¹⁰ Kaḡ kweboboe 7 wondi mapme 7. Ala mapme 5 aḡaḡ mintaḡ hatibune dapmaguk. Ninḡ kobuk hatilak, eḡ kubugoḡ ninḡ kougoḡ hatige mintawaak. Adi yadi mintaḡ nai munininḡ-kabe hatidok ninḡit.

¹¹ Kale koomkwaha hatiguk, nai indinde mu hatilak, adi mapme 7 haḡḡalaḡ yatuwat tiḡinḡ adi’walaḡ nohik, ala adut tomboyoulune kunakunat 8 tibaak. Tiḡa kumuliwe kwetneḡ fowaak.”

Kale keleu 10 wendiniḡ mede

¹² “Kale keleu 10 yabuḡaḡ adi maanḡ mapme 10 kougoḡ mintaḡ kwanai tineeḡ, inḡoḡ adi yadi kwanaihik tububihila kale moininḡdut nai munininḡ-kabe tineeḡ.

13 Adi nadisuhik kiulune kubugonj tubune sanjinihik enj wohikgigit kale moiniḡdok miḡa tipilapilaye kwanai gigne tiḡa tineenj.

14 Unduḡ tiḡa Dompā Mihiniḡdut mindobu tineenj. Inḡonj Dompā Mihiniḡdi mapme heki'walaḡ Mapme Wapum enj loloḡnit heki'walaḡ Loloḡnit doktiḡa adi fafaḡe tiḡa widihiwaak. Biyagoḡ hinek kuyoḡ, metam adut wooḡ mik tineenj adi yadi Dompā Mihiniḡdi yabukahileeḡ yahaḡeguk doktiḡa mede didimeneḡḡonj nadikilitiḡa kelegiḡ.”

Tam'walaḡ mede

15 Unduḡ yoḡa tomboyoula indin naniḡguk, “Kefifile tam adi ime wapuhi wendok foloḡ ilune kaḡaḡ, ime uyadi meeniḡ bop mohok, folona-mandap enj mede waliniḡ mebimebi hatitawiinj.

16 Tiḡa kelev 10 yabuḡaḡ, adibe, be kale adi wanaḡ kefifile tam kakwihitaḡ utubukadaka-hinakaḡ dahidahi bomboḡḡinḡ lom moḡḡodapmaḡaḡ, ḡomḡinḡ naaḡ kitili enj gitnem kudup gineḡ heneenj.

17 Tiḡa u hogok mu tineenj, Bepaḡdi welehik tubulodaune adi medeḡinḡ takaliḡa welekubugonj tubudapmaḡaḡ kale tipilapilaye timineenj. Biyagoḡ kuyoḡ, unduḡ timiḡa hatilune Bepaḡ'walaḡ mede folooḡnit tubudapmawaak.

18 Tiḡa tam kaḡaḡ woḡ adi yokwet wapum. Ala adi'walaḡ mapmedi kwetkwet diniḡ mapme hogohogok yabudokoune tipilapilaye timindok sanjiniḡ halimilak.”

18

Babilon yokwet wiyapupuhenedok mede

¹ Anjelodi undun yodapmaune nu anjelo nin kunum ginenin foune kagut. Adi yadi lolonit hinek tinja hautanin di kwet tubuhautadapmaguk.

² Adi wapum hinek kutinja indin yoguk,

“Babilon yokwet mebi wiyapupuhanelak! Wiyadapman hinek tilak. Adi yabap kadakahi heki’walaŋ yohikwehik tilak. Yotmulun uyadi gintalun en bagi nemek madimadikehi nain di itowiin.

³ Meenin kwetkwet buŋa kefileŋin dinin wain ime fafaŋenin nayagin. Mapme kwetkwet buŋa adut kefile tiyagin. Biyagon kuyon, Babilon-hidi titin kadakanin mekanit mokit kisan tigin doktinja kwetkwet bombonji me wapuhi buŋa bombon tuwadok boiyembune tuwaune muneen bombon lolonit tubumintagin. Undun doktinja wiyapupuhanelak.”

Yot mebi uyadi Bepan’walaŋ mede doktinja ula hehendok

⁴ Kaŋ kunum ginenin kutikuti indin foune nadigut. “Manemaneye, hidi yokwet u bikabuŋa momoneŋ. Uŋon hatiŋa adi’walaŋ kadakaninŋin tubulodaneeneŋ. Tinja undugon nemek miknit di hidi-folon lowaakneŋ doktinja hanilat.

⁵ Yokwet wendi kadakanin kainin bebeli tinja lolu lolu kunum wehemit tilak. Undun doktinja Bepan adi yomŋin u kaŋ nadidapmaan yolak.

⁶ Unduñ doktiña kibi dedin tihamguk wendok tuwolit timineen, tinjila kibi tinjaloon kiulaña wapumgoñ timineen. Kibikoñ adi ne'walañ malin gineñ ungoñ tinjaloloyeñ mineen.

⁷ Sigitinjaló tiña kap miyemiye tiña tonadifo tihatiluguk wendok tuwolit utubufigitaneen. Unduñ tiña welebulanin kisañ tubumintamineen. Adi netok nadiune loloñnit tubune indin yolak. Na yadi tam loloñnit, nu tam kahat moñ, nu yadi nadifo foloñ hogok hatiluwaat.

⁸ Unduñ yolak doktiña melenai kubugoñ foloñ hogok adi'walañkade nemek miknit mintamimbaak: kumuñ, kobulabulaye, eñ map wapum. Unduñ tiña kudup gineñ daliwewaak. Biyagoñ kuyoñ, Wapum Bepañ adi Sañiniñ Molomdi yomñin undugoñ wobumindapmalak.”

Kwetkwet me bombongi eñ adut menot moon tiginđi kobulabulaye timineen

⁹ Unduñ yoña indin tomboyoula yoguk. “Kañ kwetkwet mapme buña adut kefile tigin eñ hinamuni tiña kap miyemiye tiyagin, adi yadi kudup mupmukñin loune kañ bulaningon wapum nadiña kobulabulaye tineen.

¹⁰ Tiña kwatnañgoñ yali nemek mulapmuñ mintamimbaak u kañ munta kisañ tineen. Tiña indin yoneen, ‘Yakeee! Yakeee! yot mebi! Babilon, du yokwet fafañeniñ ingon on, titin kadakaninge dinin kibikoñ nai muningon-kabe gineñ ingon pilap hinek busuwagamulak!’

¹¹ “Eñ yokwetkwet me bombongi heki adut menot tiginđi indin yoneen, ‘Nediyeñ bombonnik tuwaneen?’ Unduñ yoña kobulabulaye tineen.

12 Bombon kibikibi tigin u nemek injelok, gol en silwa, en fukut tuwanin loloñnit, en haule kudikudihinit hogohogok, fafau en giminin, yanamuhi en bulubuluyehi, en bem mundunhinitdi nemek tutumbagin, en elefan kelehikdi nemek tutumbagin, en bem momohi tuwahik loloñnit hinekdi, en aindi, en kapadi, en kawade kudikudihinitdi nemenemek tutumbanit. Bombon undihi tuwadok boiune tuwagin.

13 Tina bombon noli indihini: sinamon gitnem, en subat galik, en hemundumundune kwam momoon, en haguwo mundun momoon*, en wahu mundun momoon, en wain ime, gip, naso, en subat, mantam, tina dompa, makau, wosi, kalis, en meenin tipilapilaye tuwanit mokit titindok maangoñ tuwadok yapmeune tuwagin.

14 “Kañ yonñ adi bombonge mohok yabukwekweñe hatigun u agañ dapmahinakaguk. Tina ime wodisilañsilange silidaguk, en tinahukut kinononge fikuk, dedin tina kotigoñ mintagambaak.

15 “Kañ noliñiye nemek undihidi kibikibi tina muneen bombon wapumnit tiginñ adi kwatnañgoñ yali nemek malabumun folofigitanit mintamimbaak u kañ muntaañ kobulabulaye tina indin kutinineen,

16 ‘Yakeee, yakeee, yot mebi! Du dahidahige kudikudinitdi dahidondopnegun, en tinahukut mebimebi tuwahik loloñnit wendinin maanen itoulugun!

* **18:13:** Wou “mel” yoin.”

17 Yadi bomboŋ mohokge nai muninŋoŋ-kabe fana kaka tinjit.'

"Tiŋa undugoŋ muwage molohiye, eŋ me muwage foloŋ kwanai tinjila imenŋwan wapum foloŋ unat buŋat tiin, eŋ metam muwage foloŋ yawagin, adi maan kweetnin yali

18 kudup mupmuknin loune kaŋ makat koyone tinj indiŋ yoneeŋ, 'Bulaninŋoŋ, yokwet wapum indininŋoŋ noli dinŋoŋ itak?'

19 Unduŋ yoŋa kwam gomunja kobulabulaye eŋ yomalabuda tinj indiŋ yoneeŋ, 'Yakeee, yakeee, yot mebi! du kwanai tugun doktinj muwage molohiye muneeŋ bomboŋnit tigin. Kaŋ yoŋ adi gehinŋehin hinek yokwet kwampupu mintalak.'

20 "Kunumnehi eŋ Bepaŋ'walaŋ metam, aposel eŋ polofet heki, hidi yadi welemomoon nadinj nadifo tineeŋ. Biyagoŋ kuyoŋ, yot mebi wendi hiditok yom tihamguk wondok kibikoŋ Bepandi tubudapmalak."

Yokwet mebi u kwet bilebile eŋ kwampupu hogok hahatdok yoguk

21 Mede unduŋ mintaune aŋelo saŋininŋit ninji kawade bigim wapum tubupilali imenŋwan wapum gineŋ kulune foguk. Foune indiŋ yoguk,

"Babilon yokwet mebi undigoŋ waanin kuhebidok, kaŋ liwedapman tibaak.

22 Kaŋ baiwagim toto, gita uut bop adi'walaŋ mahik gigilit u du'walaanin kotigoŋ mu mintawaak eŋ kohohikdi nemenemek momoon tutumbain u du'walaŋkade wabidapman tibaak. Kaŋ unŋoŋ kwanai titotitonit mokit kwet bilebile halaak.

²³ Du'walaṅkade kamaṅ kotigoṅ mu dahautawaak, eṅ metam hekimalam kobut tiṅa mede yogege undugoṅ mu mintawaak. Du'walaṅ me bombonhinitdi kwetkwet me wohik wapumnit hatitaugiṅ eṅ du'walaṅ tubuhidi meeniṅ kwetkwet welehiṅ tubufikuk,

²⁴ tiṅa polofet eṅ meeniṅ nadisukilitihinit eṅ kwetkwet meeniṅ udihiniṅ adi'walaṅ naṅgat diniṅ yom u du'walaṅkade hatak doktiṅa unduṅ tigamdok.”

19

Kunum foloṅ tonadifo mintaguk

¹ Anelodi mede unduṅ yodapmaune nu kunum gineṅ meeniṅ bop wapumdi mede haam toinṅ undiniṅ nadigut. Kaṅ adi wanaṅ hogohogok indinṅ togiṅ.

“Haleluya, Wapumnik niutumbanim! Tutumbanik eṅ wougigit hautanit eṅ saṅiniṅ wapum uyadi Bepaṅnik'walaṅkade hatak.

² Adigoṅ yomdok kibikoṅ tubu-udaneyembune foloṅ tilak eṅ tuwot hinek tilak. Kefifile tam loloṅnit adi kwetkwet meeniṅ siloda talikniṅ yenindidimeeṅ yehitubu-kadakaguk adi'walaṅ yomniṅdok kibikoṅ timiṅguk. Unduṅ tiṅa Bepaṅdi metamniye'walaṅ naṅgat diniṅ yom diki hakuk u tubudapmaguk.”

³ Unduṅ yoṅa kotigoṅ gineeṅ togiṅ,

“Haleluya, yot mebi kudupdi daune adi'walaṅ kudigedi helemahelamaṅ youdihinit lowaak.”

4 Kaŋ Bepaŋ adi ne'walaŋ mapme pop foloŋ ilune talitimenŋ 24 eŋ nemek hatihatihiniŋ 4 adi foŋ duwokeneeŋ hali indiŋ yoŋa niutumbaŋiŋ,
 “U Biyagoŋ! Haleluya! Wapumnik niutumbanim!”

5 Unduŋ tulune mede niŋ mapme pop ikukneŋkade indiŋ buguk,

“Bepaŋ'walaŋ tipilapilaye-meniye, hidi wanaŋ niutumbaneŋ. Biyagoŋ kuyoŋ, loloŋnit be fofoŋnit, gikiŋgoŋ timiiŋ hogohogok hidi unduŋ tineŋ.”

Dompa Mihiniŋ'walaŋ gulet momooŋ

6 Kaŋ nu tonadifo gigilit wapum koti nadigut. Uyadi imeham hambem kuma foloŋ foŋ tolak nabugoŋ, eŋ muŋkulap nabugoŋ nadiwe kutikuti indiŋ mintaguk:

“Haleluya, Wapumnik niutumbanim! Wapum Bepaŋnik, Saŋiniŋ Molom, adi yodidime eŋ tubudidime kwanaiŋiŋ miŋgoŋ tububihitak.

7 Unduŋ doktiŋa indi welemomooŋ nadiŋa niutumbanim. Dompa Mihiniŋ'walaŋ nadifo nai tilak eŋ aditok gigit hatiŋdi tiulidoko agaŋ tiŋit.

8 Adi yadi dahidahi fafau, walaŋiŋ hinek eŋ holiholiŋeŋ tinahukula hatidok nadiyemiŋit.”

(Wapum'walaŋ metamniye, ne nadisukilitimiŋa titiŋ didimeniŋ tigiŋ, wendigoŋ dahidahihik tilak.)

9 Kaŋ aŋelodi mede niŋ indiŋ naniŋguk, “Du indiŋ youleŋ. ‘Dompa Mihiniŋ'walaŋ kohokukut diniŋ tonadifo nai foloŋ hinamuni gineŋ nanaŋe nanaŋdok yeniyehimaneŋit, adi yadi Bepaŋdi kaŋaŋ tiyembune welemomooŋ nadiiŋ.’” Unduŋ

yoŋa yoguk, “Biyagoŋ kuyoŋ, mede ganilat yoŋ adi Bepaŋ’walaŋ mede folooŋ hinek.”

¹⁰ Unduŋ nanimbune nu mulelem timiŋa ni-utumbawit yo tugut kaŋ moŋ naniŋa yoguk, “Unduŋ mu tibeŋ! Nu yadi tipilapilaye noke. Eŋ nokeye munta mu tiŋa Jesu’walaŋ medeŋiŋ nadisukilitiŋa kamehatiŋ, adi’walaŋ nohik. Du yadi Bepaŋ ne hogok niutumbawen! Jesu’walaŋ mede nadisukilitiŋa kamehatiŋ uyadi Uŋgoŋiŋ Munabuli’walaŋ kigili mede.”

Jondi Jesu eŋ mikmeŋiye yabuguk

¹¹ Kunum dilitombune nu diween kawene wosi fafau niŋ yadiweguk. Kaŋ sigiŋ foloŋ ikuk adi’walaŋ wou adi “Mede biyagoŋ molom.” Eŋ wou noli adi, “Mede nadiguk tuwolit gweheye mu tiŋa tilodapmaguk.” Adi yadi kibikoŋ wobuwobu eŋ mik adi didimeneŋoŋ hinek tubune tuwot tilak.

¹² Dawiyat adi kudupmebem undihi, mebi foloŋ mapme kuluoŋ fee ikiŋ. Tiŋa wou youkudip tiŋit uyadi ne kubugoŋ kunali nadilak.

¹³ Dahidahiŋiŋ kweheyeniŋ ala naŋgat gineŋ fulaŋit, tiŋa adi’walaŋ wou adi “Bepaŋ’walaŋ Maŋiŋ Mede” yoŋit.

¹⁴ Adi ulune kunumnehi mikme mohomohok adi wosihiye fafau foloŋ ila mindaŋ keleen utelegiŋ. Dahidahiŋik adi fafau eŋ walahi hinek.

¹⁵ Maŋiŋ giŋaneŋ adi miknoŋ mikit niŋ labuguk, wendigoŋ meeniŋ hogohogok kwetkwet widihiŋa yehitubu-didimewaak. Unduŋ tiŋa tot fafaŋeŋ maliŋa hatiŋa yabudokowaak. Unduŋ tiŋila Bepaŋ, Saŋiniŋ Molomdi’walaŋ kwihita

miŋgoŋ tubumintaŋ kibi toboniŋbo yodapman kwanai tibaak.

¹⁶ Dahidahiniŋ lekiŋgoŋ foloŋ eŋ baŋ foloŋ wou indiŋ youkiŋ hatak, “Mapme heki’walaŋ Mapme Wapum, eŋ loloŋnit heki’walaŋ Loloŋnit.”

Jesu’walaŋ maŋiŋ gineniŋ mededi memikniye widihidapmawaak

¹⁷ Kaŋ nu daune diweŋ aŋelo niŋ mele foloŋ yalune kagut. Adi uŋgoŋ yali bagi hogohogok hamap gineŋ wole hatigiŋ wapum hinek ku-tiyeniŋa yoguk, “Bepaŋ’walaŋ hinamuni wapum mintalak doktiŋa buŋa bopnedapmaneŋ.

¹⁸ Tiŋa mapme heki’walaŋ foloohik gom, eŋ mikdok talitimenŋ tiŋ heki’walaŋ foloohik gom, eŋ me fafaŋehi’walaŋ foloohik gom, eŋ wosi, eŋ mikmehiye’walaŋ foloohik gom, tiŋa meeniŋ hogohogok, me bombonŋi eŋ tipilapilaye, eŋ loloŋnit, eŋ fofonŋit, adi’walaŋ foloohik gom nadapmaneŋ.”

¹⁹ Kaŋ nu Kale Moiniŋ adi kwetkwet diniŋ mapme hogohogok, eŋ mikmehiye bopnedapmaune yabugut. Adi yadi me wosi fafau foloŋ ikuk, ne eŋ mikmeniye widihine bugiŋ.

²⁰ Inŋoŋ oŋ, Kale Moiniŋ eŋ adi’walaŋ polofet yalayaŋaŋ adi gweheye tugumuk. Polofet yalayaŋaŋ adigoŋ Kale Moiniŋ’walaŋ namanda foloŋ kudi mebimebi tiŋjila meeniŋ Kale Moiniŋ’walaŋ wou kamehatigiŋ, eŋ weleweleniŋ mulelem timiŋgiŋ u wele tubufit tiyemguk. Kaŋ Kale Moiniŋ eŋ polofet yalayaŋaŋ adi kaipmuŋ kayohik kohohik yehi-ibidokooŋ yobo moŋgo

yakulune kalasindi imenḡwan nabuḡon kudup hadalaknen* unḡon fogumuk.

²¹ Noli hogohogok adi yadi wosi fafau folon ikuk adi'walaḡ maḡiḡ ginaneḡ miknoḡ mikitdi labuḡa widihidapmaguk. Kaḡ baḡi hekidi buḡa foloohik gom natoki hinek tigiḡ.

20

Sadaḡ yot fafaḡeniḡ gineḡ kameneeḡ

¹ Tiḡa kawe kunum gineḡiḡ aḡelo niḡ foguk. Adi yadi bom fuliḡmamaḡ diniḡ yeme youdilitom eḡ tawa fafaḡeniḡ (sen) kakaan niḡ honeeḡ ti buguk.

² Tiḡa biyagoḡ kuyoḡ, Fowa, miḡgembet komi, kadakaniḡ molom, wou Sadaḡ yoyam, adi honek-ufale tawa fafaḡeniḡdi ibikilitiḡa gulet 1 tausen ibikilitinit hahatdok niḡdapmaḡ

³ bom fuliḡmamaḡ gineḡ tobo tukulune foguk. Foune talik tehemiḡa tubukilitihinakaan niḡmek fafaḡeniḡdi galiheguk. Unduḡ timimbune meeniḡ hogohogok weletubufit kotigoḡ mu tiyemiḡa hatilune gulet 1 tausen dapmaḡdok niḡḡiḡ. U dapmaune tawa fafaḡeniḡ fiyakulimimbune labuḡa nai muniniḡ-kabe hatibaak.

Meeniḡ nadisukilitihinit adi timenḡ pilatneeḡ

⁴ Tiḡa kawe mapme pop ituwat tubune mehinek mede yodapmaḡ titiḡdok saḡiniḡ yemuḡit adi pop wendok folon ikiḡ. Ala adi Jesu

* **19:20:** Mede wondok adi Gilik mede gineḡ “Salfa kawade hakatdi imenḡwan tiḡa kudup fafaḡeniḡ dalak” youkiḡ. Mede “Salfa” diniḡ mebi adi Diksineli pepa yendiniḡ fawineḡ unḡon kedem kawenḡ.

medeņiņ yohautaniła Bepaņ'walaņ mede munta mu tiņa hautaņgoņ kameņ hatibune kodihik ulopmadigiņ adi'walaņ welehik yabugut. Tiņa Kale Moiniņ nebe, be weleweleniņ mulelem mu timiņgiņ, eņ wou demehik foloņ be kohohik foloņ mu youkiņ, adi'walaņ welehik maaņ yabugut. Meeniņ uyadi foloohik maaņ kaikaune yabugut. Kaņ adi Kilisto dut mapme kwanai tiņa metam yabu-ulidoko kwanai tihatilune gulet 1 tausen dapmaguk.

⁵ Eņ kumuhi noli hogohogok adi mu kaikagiņ adi yadi gulet 1 tausen dapmaņdok woom hakiņ. Kaņ pilapilat u kagut adi pilapilat kunakunat 1.

⁶ Ala pilapilat kunakunat 1 foloņ youdihiiņ adi yadi Bepaņdi kahaņ tiyembune welenadifo foloņ uņgoņiņ hatiņ. Meeniņ undihi yadi kumuņ kunakunat 2-di yehitubu-silomut tibaak. Adi yadi Bepaņ eņ Kilisto'walaņ Siloņyot diniņ talitimeņ tiņa hatineeņ. Unduņ tiņa adut mapme mintaaņ metam yabu-ulidoko kwanai hati tulune gulet 1 tausen dapmawaak.

Sadaņ adi yot fafaņeniņ biņa labuņa meeniņ wele tubufit kotigoņ tiyembaak

⁷ Ala gulet 1 tausen dapmaune Sadaņ adi tawa fafaņeniņ u fiyakulimimbune yot fafaņeniņ gi-neņiņ kotigoņ labaak.

⁸ Labuņa kwetkwet fukuņ be fukuņ, wahinķade be kumaņķade meeniņ hatitawiņ welehik tubu-filaak. Gok diniņ bop eņ Magok diniņ bop yenin-tubulodaaņ yeniņgigineune mikdok meyout tiņa buneeņ. Meeniņ buneeņ adi'walaņ kunakunat

adi imengwan wapum gagayen kin itak wondok tuwolit, tuwot mu kunadapmandok.

⁹ Kan adi kwatnanjon buge buge busuwaan kwet gutun wapumnen unjon loon meenin nadisukilitihinit kweleyouhep tiyemgin. Kweleyouhep tiyemina Bepandi yokwet momoon kahileguk (Jelusalem) u maan kelemadigin. Undun tulu kudup kunumnenin fonj yehidakumundapman tuguk.

¹⁰ Enj Sadan wele tubufit tiyem hatilak ne yadi kalasindi imengwan nabujon kudup hadalaknen* unjon tobo tikulune foguk. Kale Moinin enj polofet yalayaan adi wanan unjon hatigumuk. Ala adut tomboyoula helebufa tuwot folofigita dapmandapmanjit mokit, youdihinit kisanj hinek hati-nadiyaneen.

Koujon mindan pilali kibikon mongotdok

¹¹ Nu mapme pop wapum fafau nin kagut. Wendok folon ikuk adi'wala namanda folon kwet kunum liwegumuk.

¹² Kan kumun tigin, lolonjit be fofonjit adi wanakan hogohogok mapme pop heben folon yalune yabugut. Adi unjon yalune pepa mohok tanakiyegin. Tina nin tanakiyegin adi hatihati fafanenin dinin pepa. Kan kumuhi adi yadi kaipmun hatinila titinhik tigin wendinin mede, pepa ginen youlinjit u kanila medehik yodapmagin.

* **20:10:** Mede wondok adi Gilik mede ginen "Salfa kawade hakatdi imengwan tina kudup fafanenin dalak" youkin. Mede "Salfa" dinin mebi adi Diksineli pepa yendinin fawinen unjon kedem kawen.

13 Kaṅ nai unaningon imengwan wapumdi adi'walaṅ maanen meeniṅ kumuṅ tigiṅ unon hakiṅ u yehitubu-udaneguk, eṅ kumuṅdi undugon meeniṅ kumuhi yehitubu-udaneguk, eṅ hamdi undugon meeniṅ kumuhi yehitubu-udaneguk. Unduṅ tubune kumuhi hogohogok adi hatihatihik diniṅ mebi yenintawan kibikon mede yenindapmanjit.

14-15 Unduṅ tiṅa kumuṅ dut kumuhi'walaṅ kwet (ham yoyam) adi imengwan kudup ha-dalakneṅ moṅgo yakulune fogumuk. Kaṅ metam hatihati fafaṅeniṅ diniṅ pepa gineṅ wohiye moṅ yolohigiṅ heki adi imengwan kudup ha-dalakneṅ moṅgo yakulune fogin. Wendi kumuṅ kunakunat 2 tilak.

21

Kwetkunum kobuli mintawaak

¹ Yoṅ adi kunum kobuli eṅ kwet kobuli yabugut wondiniṅ mede. Ala indin, kunum komi eṅ kwet komi adi yadi liwe tugumuk. Eṅ imengwan wapum adi maṅ liwe tuguk.

² Kaṅ yokwet ungoniṅ, Jelusalem kobuli kuyon, kunum gineniṅ Bepaṅ'walaaniṅ foune kagut. Wabihem niṅ me dut yehikiutdok tinahukut tiyemiṅ unduṅ mohinek tutumbaan tinahukulimiṅgiṅ kagut.

³ Kaṅ mapme pop gineṅkade kutikuti wapum niṅ indin buune nadigut, "Biyagon hinek kuyon, u kalaṅ be. Bepaṅ'walaṅ yolikweli agaṅ metam dut hatak. Ne lekiṅgonhik gineṅ itoune metamdi adi'walaṅ metamniye tiṅa itouneṅ. Bepaṅ ne adut hatiṅila

⁴ dautilitikhik tumolokudapmawaak. Kumun be bulaningon be weyakawe be yagit folofigita unon mu mintawaak. Biyagon kuyon, nemek komi hogohogok agan unanin dapmawaak.”

⁵ Kan mapme pop folon ikukdi indin naninguk, “Nadilarbe, nu nemek hogohogok kobuli tubumintalat.” Undun yona yoguk, “Mede yon adi biyagon en foloon hinek ale youlen.”

⁶ Tina adi indin naninguk. “Agan tubudapmanit. Nu yadi timen hatigut en mindan hati-baat, tububihit en tubudapman. Nebek nin adi imedok manin galiwaak adi nu hatihati fafanenin dinin ime dawinen gila tuwanit mokit hogok mintoiwaat.

⁷ Nebek nin adi fafane titawoon tubudapmawaak adi yadi nemek i kahilewaak, kan na Bepanin hatibe adi mihine hatibaak.

⁸ Ingon on, munta kelewodiin en nadisukiliti mu tiin, en kadakanin kaka tiin en mik ulap, en meenin kefile mebimebi tiin, en meenin upmun en tubuhi mongo hatiin, en kwet yabawen nadisukilitina bepan yalayan mongo hatiin, en yalan mede mebimebi mongo hatiin, meenin undihi hogohogok’wala yokwet adi kalasindi imengwan nabugon kudup ha-dalaknen* unon hatidok yodapmagut. Uyadi kumon kunakunat 2-kuyon.”

Jelusalem kobuli kunumnenin fowaak

* **21:8:** Mede wondok adi Gilik mede ginej “Salfa kawade hakatdi imengwan tina kudup fafanenin dalak” youkin. Mede “Salfa” dinin mebi adi Diksineli pepa yendinin fawinen unon kedem kawen.

⁹ Anjelo 7 malinḥik indigonḥ tuwot nemek miknit fotokiune monḡo yakinḥ, adi'walaaninḥ ninḡi nu'walaḥkade buḥa indinḥ naniḡuk. “Bu-une Domba Mihininḥ'walaḥ tamgigit ganimbe kawenḥ.”

¹⁰ Undunḥ nanimbune Unḡoninḥ Munabulidi saḡininḡit hinek fotokinamuḥa nanagila kweboboe wapum kweheyeninḥ ninḥ foloḥ looḥ yokwet unḡoninḥ Jelusalem u kunum gineninḥ Bepaḥ'walaaninḥ, foune nanimbu kagut.

¹¹ Bepaḥ'walaḥ hauta holiholinḥenḥ wondi yokwet u hauta miḡuk. Yokwet wendininḥ hauta adi kawade Saspa, tuwaḡinḥ wapum, walaḥinḥ hinek tinḥ filimpitpit tuguk.

¹² Tinḥ gimbaḥaḥ adi kawadedi foloninḡonḥ hinek ibikelemadiginḥ. Gimbaḥaḥ wendininḥ talifofonḥ adi 12, tinḥ talifofonḥ indigonḥ anjelo kubugoḥonḥ kubugoḥonḥ foloninḥ ila uune kunakunathik 12 tuguk. Enḥ talifofonḥ indigonḥ tuwot Isilae metam bophik 12 adi'walaḥ wohik youlinḡit haliulak.

¹³ Mele labulakneḥkade talifofonḥ 3, enḥ fukuninḥ kwet kumaḥkade talifofonḥ 3, enḥ fukuninḥ kwet wahiḥkade talifofonḥ 3, enḥ fukuninḥ mele folakneḥkade talifofonḥ 3.

¹⁴ Gimbaḥaḥ wendininḥ kawade daḡininḥ hakiliti adi 12. Kaḥ kawade daḡininḥ hakiliti 12 foloḥ lekiḡonḥ Domba Mihininḥ'walaḥ aposel 12 adi'walaḥ wohiye youlinḡit.

Anjelo ninḡi Jelusalem kobuli tuwolitinḡinḥ kamek-aguk

¹⁵ Kaḥ anjelo mede naniḡuk adi kameka dininḥ kusek ninḥ goldi tutumbaginḥ honeenḥ yakuk.

Wendi yokwet en talifofon en gimbahanjin kamekaguk.

¹⁶ Yokwet wendinin tunejin 4, kolojin be dabekjin tuwolit kubugon. Kan anelodi yokwet u kelemadija kusek kamekanjdi kamekaune 2,200 kilomita tuguk. Kan kolojin en dabekjin en kweheyenin u tuwolit kubugon hogohogok tubudapmaguk.

¹⁷ Kan gimbahan bateyejin dok tuwolit kamekaune 70 mita tuguk. Meenin di kameka beja hatiyam undinjon anelodi honeen hatija yokwet kamekaguk.

¹⁸ Gimbahan uyadi kawade Saspa, walanin hinek, filimpitpitnit wendi tigin, en yot heki adi gol, galas walahi diwetom tiyam undinjin tigin.

¹⁹ Gimbahan wondinin danjin hakiliti adi kawade mebimebi tuwahik lolonit, adi walan wohik en famahik hebet indin halifolak. Danjin kunakunat 1 Saspa uyadi giminin.† Danjin kunakunat 2 Sapaiya uyadi balimnit. Danjin kunakunat 3 adi Agate. Danjin kunakunat 4 adi Emelat.

²⁰ Danjin kunakunat 5 Oniks uyadi fama mebimebinit. Danjin kunakunat 6 Kanelien uyadi giminin. Danjin kunakunat 7 Kilisolait uyadi gwagwanit. Danjin kunakunat 8 Belil uyadi balimnit. Danjin kunakunat 9 Topats uyadi gwagwanit. Danjin kunakunat 10 Kilisopaluse uyadi kaikailen. Danjin kunakunat 11

† **21:19:** Kawade wohiye hogok injon youkin en famahik be namandahik yohebet Diksineli ginen yaben. Adi pepa hapmun “Kawade momoon tuwanjin lolonit hinek” unjon hakiin.

Sasinti uyadi balimnit inḡon haḡindaḡ. Daḡiniḡ kunakunat 12 Ametis uyadi timbitimbit. Kawade undihidi gimbahanḡ daḡiniḡ hakiliti boiḡa ibikele-madigiḡ.

²¹ Talifofonḡ 12 uyadi fukut‡ tuwahik loloḡnit 12 wendi boigiḡ. Talifofonḡ niḡ fukut molomḡonḡ, talifofonḡ niḡ fukut molomḡonḡ unduḡ hogohogok yambiyakiḡ. Yot talik adi gol waliniḡ hinekdi kamegiḡ, galas gineḡ diwedapmaḡ tine ulak undiniḡ.

²² Bepaḡ'walaḡ Silonyot adi yokwetneḡ uḡon mu ilune kagut. Wapum Bepaḡ, Saḡiniḡ Molomdi Silonyot tiyemilak eḡ Dompa Mihiniḡdi maḡ tiyemilak.

²³ Tiḡa yokwet uyadi muyakipbe, be meledi hauta mu yemilak. Bepaḡne'walaḡ hauta holi-holiḡedi hautayemilak eḡ Dompa Mihiniḡdi hautaḡiḡ tilak.

²⁴ Meeniḡ mohok yokwetkwet hatitauneḡ adi yokwet wendigoḡ hautayembaak. Kaḡ kwetkwet mapme hatiḡiḡ adi yadi bombonḡhik kedehi u moḡḡola yokwet uḡon udapmaneḡ.

²⁵ Yokwet uyadi mu bufawaak. Hadapmo hogok halaak doktiḡa gimbahanḡ wondiniḡ talifofonḡ adi hamap hogok yatneḡ.

²⁶ Eḡ meeniḡ hogohogok adi'walaḡ bombonḡ tuwaḡiḡ loloḡnit, nemek momohi, eḡ kobahi u

‡ **21:21:** Fukut adi nemek kuyaniḡ-kabe doktiḡa mede i nadiḡa undiniḡ-kabe mu yoḡa nadidok. Yoḡ adi nemek undiniḡdi wapum kakaḡ hinek. Ala wendi Bepaḡ'walaḡ yokwet diniḡ talik yeme tiḡit. Fukut u deḡḡon moḡḡokiḡiḡ? Uyadi imenḡwaḡ maaneḡ foḡḡ kale wou kalamsel yoḡiḡ u moḡḡo labuḡa kufulahik taḡakiyeḡeḡ u yabuḡa moḡḡokiḡiḡ.

yokwet unon mongo udapmaneen.

²⁷ En nemek gengeñit adi unon mu hinek fowaak. Be meeniñ niñ adi nemek mekaningon en madimadikengon tibaak be yalañ niñ kame hatibaak adi maan yokwet unon mu yalikawaak. Wohiye Domba Mihiniñ'walañ hatihati diniñ pepa gineñ youliñit adi hogokdi yokwet u kahile-neen.

22

Bepañ'walañ hatihati ime en hatihati bem

¹ Anelodi ime wapum hatihatinit u titinenenambune kagut, won adi waliniñ hinek galas gineñ diwedapman tiyam undiniñ. Uyadi Bepañ en Domba Mihiniñ adi'walañ mapme pop mebineniñ bulak.

² Labuñ yokwet wapum lekingon tali haliulak-tabe ulak. Kañ hatihati bem adi ime gagayen fukufukuñ yaliwiin. Bem wondiniñ foloon adi muyakip 12 indigon tuwot mintaan gimindain. En meeniñ kwetkwet hatiin adi bem wendiniñ hapmun naan kedebaneen.

³ Yokwet unon adi nemek Bepañdi yobune hakinit tigin hogohogok adi unon mu hatneen. Bepañ en Domba Mihiniñ'walañ mapme pop ungon hinek itune metamñiye adi tipilapilaye kwanai hati timineen.

⁴ Tiña undugon adi'walañ folonamandapñin kañila hatineen, en adi'walañ wou demehik folon mintaan halaak.

⁵ Yokwet uyadi bufa mu tibaak. Unduŋ doktiŋa kamaŋ be meledi diwehautadok mu yoneeŋ, Wapum Bepaŋ ne hautayembaak. Kaŋ adi mapme tiŋa metam yabu-ulidoko kwanai helemahelamaŋ hati-tineeŋ fafaŋeniŋ.

Mede hogohogok i folooŋ mintadok nai dulalak

⁶ Kaŋ aŋelodi indiŋ naniŋguk “Mede yoŋ adi folooŋnit eŋ biyagoŋ. Wapum Bepaŋdi polofet heki Uŋgoŋiŋ Munabuli dahiyembune welehiŋ tubutakalelak adi aŋeloŋiŋ niŋkulune tipilapilaye-meniye hidi nai muniniŋ-kabe hatitalolune nemek mintadok yoŋit u hanindidimeguk.”

⁷ Jesudi yoguk, “Nadilaŋ be, nu agaŋ pilap bene tilat. Ala nebek niŋ adi pepa yendiniŋ maaneŋ kigili mede youliŋit, u didimeneŋgoŋ kame hati-lak adi yadi Bepaŋdi kahaŋ timimbune nadifo eŋ welemomooŋ nadiluwaak.”

⁸ Nu Jon, nukuyeŋ nemek i kanadi tubudapmagut. Kanadi tubudapmaŋ aŋelo nemene-mek nanimbihidapmaguk adi’walaŋ hebeŋ foloŋ foŋ duwokeneeŋ niutum-bawit yo tugut kaŋ naniŋguk,

⁹ “Unduŋ mu tibeŋ! Nu yadi tipilapilaye-menoke, eŋ polofet nokeye’walaŋ nohiŋ, eŋ pepa yendiniŋ mede gitagoŋ boihatineeŋ adi’walaŋ nohiŋ. Du yadi Bepaŋ hogok nadimiŋa niutum-baweŋ.”

¹⁰ Unduŋ yoŋa indiŋ naniŋguk, “Du pepa yendiniŋ kigili mede wobukufula tiŋa tubukiliti mu tibeŋ. Biyagoŋ hinek, mede yeŋdi folooŋnit titiŋdok nai agaŋ muniniŋ hinek tilak.

11 Unduŋ doktiŋa neeŋ kadakaninŋ tihatilak adi kadakaninŋ unduŋoŋ hati-tuluwaak, eŋ welenŋ geŋgeŋnit adi unduŋoŋ welenŋ geŋgeŋnit hatiluwaak. Eŋ titinŋ didimeninŋ tiinŋ adi yadi tomboyoula titinŋ didimeninŋ taneenŋ. Eŋ nebek ninŋ adi Bepaŋdi youtewalandaguk unduŋ nadinŋa walaninŋ hatilak kaŋ walaninŋoŋ hatiluwaak.”

Jesu ne Jon mede ninŋuk

12 Nadilaŋ be, nu agaŋ pilap hinek bene tilat. Kibi toboninŋnit buŋa meeninŋ hogohogok hatihati eŋ titinŋhik dininŋ kibikoŋ tuwolit didimeninŋoŋ hinek yodapmawaat.

13 Nu yadi timenŋ hatigut eŋ mindaŋ hatibaat, mebi eŋ boki, tububihit eŋ tubudapmaŋ.

14 Dahidahihik youtewalandainŋ adi Bepaŋdi kahaŋ tiyemulak doktiŋa nadiwe utumbalak. Biyagoŋ hinek, adi yenimbe hatihati bem dininŋ folooŋ naneenŋ tinŋa gimbaŋaŋ wendininŋ talifofonŋ gininŋ wooŋ yokwet maaneŋ foneenŋ.

15 Gimbaŋaŋ magineŋ fakaŋkade adi indihidi hatineenŋ: kamo heki, upmuŋ sitnaŋ eŋ tubuhi boihatiinŋ eŋ meeninŋ kefiŋfile tiinŋ, eŋ me udi-hikumunŋ tiinŋ, eŋ kwet yabawenŋ nadisukilitinŋa welewele tutumbaŋaŋ bepaŋ yalayalaŋ moŋgo hatiinŋ eŋ yalaŋdok nadiune folooŋ tilak.

Jesu ne yoguk, “Dewit’walaŋ yalaki na inŋakoŋ”

16 “Jesu, naŋoŋ aŋelone ninŋkulene adibo kayoŋbopneye hidi na’walaŋ mede hanihautaguk. Biyagoŋ hinek, nu yadi mundininŋ kobuli Mapme Dewit’walaŋ yalaki ginininŋ mintagut tinŋa unduŋoŋ naŋgat dikiŋinŋ hinek,

tiņa nu yadi helehele dinin bamholiņa hautan hinek.”

¹⁷ Munabuli eņ Jesu’walaņ tam gigitdi indin yoyamuk. “Du beņ!” Ala nebek niņ adi mede i nadiņa undugoņ yobaak, “Du beņ!” Nebek niņ adi imedok maņiņ galiune kedem baak. Eņ nebek niņ adi wendok nadikaan buņa hatihati fafaņeniņ dinin ime tuwaņit mokit nawaak.

Jondi Jesu’walaņ yobihit mede yendok mute mede yoguk

¹⁸ Pepa yendiniņ maaneņ kigili mede youtat i kunatnadi tineeņ, hidi mute mede hanimbe nadineņ. U indin hinek kuyoņ. Nebek niņ adi ne’walaņ nadinadi niņ tubumintaan buņa tomboyoulaak meeniņ uyadi Bepaņdibo nemek miknit mintadok pepa yendok gineņ youle hatak u tomboyoulimimbaak.

¹⁹ Eņ nebek niņ adi kigili mede yendiniņ diki tubufilaak adi yadi Bepaņdibo hatihati bem dinin mede eņ yokwet uņgoņiņ dinin mede aditok gigit yoņit iņoņ hatak u lom moņgolune nemu halimimbaak.

Mede yokahaņ

²⁰ Mede i yobihiliņit u kasop tilakdi indin yolak. “U Biyagoņ, nu pilap hinek bene tilat.”

U Biyagoņ, Wapum Jesu, du bubuņ hinek tibeņ.

²¹ Wapum Jesu’walaņ siloņ tobogoņdi metam hogohogok, hidut haliwooņ halaak.

**Bepaŋ'Walaŋ Folofolok Kobuli
Genesis, Exodus, Psalms, and the New Testament in
the Numanggang Language of Papua New Guinea
Sampela hap Buk Baibel long tokples Numanggang**

copyright © 2005 Wycliffe Bible Translators, Inc.

Language: Numanŋaŋ (Numanggang)

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2016-08-30

PDF generated using Haiola and XeLaTeX on 18 Apr 2025 from source files dated 31 Aug 2023

217908e9-ce08-5ac3-9947-124c48579a74